



CLARFANUS


CELESTIA

1256

1256









525
G547


RB 7-8


Cond
15.

PEABODY INSTITUTE
· LIBRARY ·
BALTIMORE










Glareanus, Henricus

HENRICI GLA

REANI HELVETII, POETAE LAV.
REATI DE GEOGRAPHIA LIBER
VNVS, AB IPSO AVTHORE
IAM NOVISSIME RE-
COGNITVS.



APVD FRIEBVRGVM BRIS-
GOIAE, AN. M. D. XXXIX.

CLARISSIMO

POLONIAE BARONI, D. IOAN:


NI A LASKO, DECANO ET

Administratori Gnezneñ. &c. HENRICO

CVS GLAREANVS S. D.



INTER DISCIPLINAS
liberales, quæ citra controuersiam
plurimum adferunt utilitatis uitæ
mortalium, ornatissime uir, mea
quidem sententia præcipuus locus
debetur Geographiæ, non tantum
ob id, quod absq; hac cæca est omnis
ueterum auctorum lectio, surda re-
rum gestarum narratio, uerum etiam
quod in publicis consultationi-
bus, inq; dirimendis controuersiis quoties de ditionis finibus ambigunt
principes, uel fideli consilio, uel æquo iudicio iuuat ciuitatem. Ni-
hilo secius interim & in priuatis actionibus plurimum adferens &
commoditatis, & uoluptatis. Eoq; prisce illis ceteræ disciplinæ di-
sci solent, hæc etiam edisci idq; protinus à teneris, ut aiunt, unguicu-
lis. Hoc igitur operæ suscepi, partim quod uiderim fatali quadam ca-
lamitate, pessum ire quicquid est liberalium disciplinarum: partim quod
hæc ars sic est à superioribus prodita, ut uel difficultate uulgus deter-
reant, uel rerum confusione, lectorem, non institutum huius disciplinæ
principiis ita circumagant, ut semper discat, perdat nunquam, ne
quid interim loquar de ijs, qui tradiderunt, quod ipsi non intellexe-
runt.



Strabo runt. Nam ut Ptolemæi Geographia, summum huius negotij artificium, non conuenit rudibus, ita multum erroris est in elenchis adiectis. *Strabo* Homericæ Philosophiæ admirator, ac diligens rerum omnium indagator, Chorographiam nobis uerius quàm Geographiam tradidit. *Ippsi*us Procli Sphæra nimis concisa est, & ad horizonta Græciæ non absq; magna duorum circulorum confusione descripta.

*Ioannis de
sacro busto*

Ioannis autem à sacro busto (ut uocant) tractatus, in uniuersum quidem à me non reijcitur: quæ tamen de parallelis, ac climatibus scripta, planè mutila sunt, ut in opere nostro demonstrabimus. *Stephanus* indicem descripsit, cui fidere multum non ausim. Et nominum mutilatio apud eum multam inducit obscuritatem. Deniq; ex *Plinio*, *Pomponio*q; *Mela*, quid fructus feret, qui nō imbutus huius discipline rudimentis acceperit? De *Macrobio*, cæterisq; similibus, non habeo pronunciare quid sentiam, cum multi eorum, ut penè ueteres omnes, in terræ situ aberrarint. Quoniam autem iuxta *Flaccū*, cepisse dimidium facti est, quo plures ad huius discipline studium accenderemus, uiam aperuimus, ac semitam compendiariam communistrauimus, quasiq; filum porreximus, quo citra errorem ex aliorum labyrinthis sese lector possit explicare. Et si pateris, ut aliquid gloriosius de me ipso prædicem, quanquam arbitror hoc me uere posse dicere, sic in hoc libello me gessi, ut candidus lector confessus sit, me nec temere, nec sine fructu lectorum, hanc post tot egregios scriptores suscepisse prouinciam. Cæterum ut hoc quicquid est lucubratiunculæ tuo nomini dicarè IOANNES *Laslanæ* gentis, imò totius regni *Poloniæ* præcipuum decus, partim in causa fuit hortator, magnus ille *ERASMV*S *Roterodamus*: quem ego uirū cum ipsius maxime merito, ut parentem coluerim semper, plurimiq; fecerim, tamen longe charior esse cepit, posteaquàm animaduerti quanti tu illum faceres: Partim ut tuum desiderium saltem hoc pacto lenirem: Partim ut huic opusculo te uel iudicem præberes, uel protectorem: Postremo, ut auietus tuo exëplo perrouocata, libētius hæc discipline amplecteretur

A

2

quas

EPISTOLA DEDICATORIA.

quas omnes tu ista ætate, ista nobilitate, tanto studio, & amplexus es,
& absoluiſti. Nimirum non incaſſum præluxit tibi Reuerend. in Chriſto
ſto Pater D. Ioannes à Laſko patruus tuus, Archiepiſcopus totius regni
Poloniæ, ac ipſius Victorioſiſſimi, illuſtriſſimi que **S I G I S-**
M V N D I Regis oculus. Cuius Præſulis animi dotes cum recenſere
audimus, cum uitam eius innocentem, ac uere Chriſtianam,
non multum deſyderare uidemur ueterum Episcoporum exemplum,
naſcentiſq; Eccleſiæ lumina. Sed laudum iamdudum ſat eſt. Glarea-
num noſti, quàm ingenuè dicat quæ animo ſentit, minimeq; aliud
in pectore, aliud in lingua habeat. Vale literarum unicū
decus ac præſidium. Baſilæ ex Collegio no-
ſtro. Anno à natali Chriſti,
M. D. XXIX.

HENRICI GLA.³

REANI HELVETII, POETAE
LAUREATI DE GEOGRAPHIA
LIBER.

DE GEOMETRIAE PRINCIPIIS AD
SPHAERAE ASTRONOMICAE
notitiam necessarijs, CAPVT .I.



FIGURA EST QVAE TERMINO, uel terminis clauditur. Termino, ut Circulus, Terminis, ut reliquae figurae.

Terminus est cuiusque rei finis.

Figura plana est, cuius mediū neq; subsultat, neque ab extremis egreditur.

Circulus est figura plana, una quidem circumducta linea contenta, in cuius medio punctus est, à quo omnes rectae lineae, ad circumductam lineam eiectae, sibi inuicem sunt aequales.

Circunferentia est linea, quae circumulum continet, ad quam lineae rectae, ac sibi inuicem aequales, educuntur. Haec autem & ambitus, & circuitus, curuaturaq; & nonnunquam, licet $\alpha\kappa\omega\gamma\omega\sigma$, circulus à Latinis, dicitur. Grecis uero $\pi\epsilon\rho\iota\phi\epsilon\rho\epsilon$, & α .

Centrum circuli, est punctus ille, à quo omnes lineae rectae, ad ambitum circuli eiectae, inuicem sunt aequales.

Linea recta est, quae ex aequo sua puncta interiacet: Vel breuissima à puncto ad punctum extensio, ut hic, a.


Lineae Parallelae aequae distantes sunt, ita, ut si in infinitum protrahantur nunquam concurrant. Quales sunt quae fiunt à rotis curruū, ut hic, b Non parallelae.

A 3 Diametrus.

HEN. GLAREANI

Diameter circuli, est quævis linea recta per centrum circuli transiens, utrinque ad circumferentiam circuli pertingens. Hæc linea latine dimetiens dicitur.

Dimidius circulus est figura plana, diametro circuli, & medietate peripheriæ contenta.



Exemplum harum definitionum, a b d c e, tota superficies circulus est, a b d c circumferentia, b e, uel a d diameter. e, punctus, centrum circuli est. a b c dimidius circulus. e b, e a, e c e d, lineæ à centro ductæ inuicem æquales.

a b c, quarta circuli pars, qui & quadrans dicitur.

Angulus fit ex duarum linearum mutuo contactu. Est enim figura particula, à lineæ contactu in amplitudinem surgens.



Angulus rectus est, qui ex linea super lineam cadente, & utrinque aliter inieciens duos inuicem æquales angulos faciente, causatur.

Obtusus angulus est, qui recto maior. **Acutus**, qui recto minor.

Angulus rectilineus est, qui ex rectis lineis causatur: aut quem lineæ rectæ continent.

Exemplum

Exemplum,
a d b, et a d
c anguli recti.
Et b d e, an-
gulus obtu-
sus & recto
maior. e d c
angulus ac-
utus & re-
cto minor.



Angulus curuus, siue circularis est, quem lineæ curuæ, siue circulares cauſant, ut in ſeſſione circularum fieri uidemus.

Angulus ſphæralis eſt, quem duo circuli ſphære ſuis circumferentijs cõtinent, quales in quouis globo ſiunt ex interſeſſione circularum.

Ariſtoteles ſexto Phificorũ oſtendit neq; lineam fieri poſſe ex punctis, neq; ſuperficiem ex lineis, neq; corpus ex ſuperficiebus. Mathematici tamẽ imaginantur ex fluxu puncti in longum, fieri lineã. Itẽ ex fluxu lineæ in latum, ſuperficiem. Deniq; ex trãſitu ſuperficie, cum uelut deſidẽre ipſam imaginamur, fieri corpus. Sunt enim tres dimensiones in Mathematicis, Longitudo, ut in lineã: Latitudo, ut in ſuperficie: Profunditas ſiue craſſities, ut in corporibus.

DE PRECIPVIS PARTIBVS TOTIVS MVNDI. CAPVT .II.

Sciendum primũ, uniuerſum mundum rotundũ eſſe, ac omnes principales eius partes, quarũ ſunt ſecundum uulgatam diuiſionẽ, quindecim, ubi ſuperius corpus perpetuo circũdat inferius omni ex parte, penẽ ſicut tunica ſuperiores in capis circundant inferiores. Eſt autẽ inſimũ terra, quæ grauitate ſua preſſa, ad cẽtrum immota recũbit. Deinde alia hoc ordine aſcendẽdo, Aqua, Aer, ignis, ſphæra lunæ, Mercurij, Veneris, Solis, Martis, Iouis, Saturni, Cœlum ſtellatum, quæ & octaua ſphæra dicitur.

GEOGRAPHIA



sphæra dicitur, & ἀπλανής, à Grecis. in ea sunt omnes stellæ, exceptis septem planetis. Nona sphæra quæ stellis omnibus caret. Decima quæ & primum mobile, & ipsa absq; stellis est. Undecima, quod cœlum Empyreum à Theologis nominatur. Totus itaq; mūdus ex quatuor elementis est parte corruptibili, et undecim cœlis parte incorruptibili. Est autem hæc diuisio secundum substantiam.

DE MOTIBVS CORPORVM TOTIVS VNIVERSI. CAP. III

OMne corpus mouetur uel sursum, ut leuia, Ignis atq; Aër: Vel deorsum, ut grauia, terra & aqua: Vel secundum circulum, ut cœlestia corpora. *Motus sursum uocatur motus à medio, id est, centro terræ. Motus deorsum, ad medium: quia ad centrū terræ. Motus circularis autem dicitur motus circa medium, id est, centrum. Motus igitur sursum & deorsum non in infinitum sunt, sed usque ad sphæram lunæ, ac centrum terræ. Ergo antipodes non minus, quā nos, ad centrum terræ natura tendunt. Recte quoque à Poëta dictū est: Cœlum undiq; sursum.* *Antipodes*

Decima sphæra, quæ & primum mobile, unico mouetur motu, ab oriente in occidentem, super polos mundi, & æquinoctialem. Hic motus omnium notissimus est, circulumq; totum absoluit intra. 24. horas. Hic etiam omnia corpora inferiora secum rapit. Quanto igitur corpora ab ea sphæra plus distant, tanto tardius mouentur eo motu: quod potissimum apparet in luna. Hæc enim intra. 28. ferme dies totam circuitionem perdit, quod motum eius sphære assequi non potest. Porro hic motus simplex est, & uniformis, & regularis.

Sequitur nona sphæra, quæ duos habet motus. Vnum superioris sphære de quo iam dictum est. Alterum ex se, & ex sua natura, ab occasu ad ortum super eclipticam lineam, & polos zodiaci. Multi illum uocant, motum defectionis, propterea, quod omnes inferiores sphære

Nota

deficiunt à perfectione primi mobilis.

Octaua sphaera tribus mouetur motibus, decimæ sphaere, nonæ sphaere, & suo proprio motu, qui est à Septentrione in Meridiem, superq; principia Arietis & Libræ. Et uocatur motus trepidationis. Hanc sphaeram omnis antiquitas credidit primam esse, nec aliam super eam. Verum Neoterici, duas alias inuenerunt, persuasi rationibus quibusdam, quas non piguit adscribere, ut si quid utilitatis ex ijs haberi possit, non desint studiosis. Itaq; notandum, quod omne corpus, uel est simplex, ut quatuor elementa & coelum: Vel mixtum, ut alia omnia. Item per se mouetur, quod ab interna natura habet, cur sic moueatur, ut lapis deorsum. Per accidens uero, quod ab externo aliquo mouetur, ut lapis sursum per iacentis uim mouetur.

Sunt autem hypotheses, siue à Phisicis postulata:

Cuiusuis corporis simplicis unicus est motus per se. Item, Omne corpus, quod pluribus mouetur motibus, unum per se habet, alios per accidens. Item superior sphaera mouet inferiorem, non autem contra.

Item, stelle mouentur ad motum sphaere, quemadmodum clauus ad motum rotæ. Est enim stella densior sui orbis pars, ait Aristoteles libro secundo de cælo & mundo. Experimento autem constat, octauâ sphaeram tribus moueri motibus, Necesse igitur est duo supra eam esse corpora. Et quamuis ea uisui subiecta non sint, rationibus tamen efficacibus illic esse demonstrantur. Sunt autem hi tres motus, primus, decimæ sphaere, secundus nonæ, tertius ipsius octauæ, ab septentrione in meridiem, super principia Arietis & Libræ, ut iam dictum est. At hæc pluribus, quam oportuit egimus, potissimum tamen hæc de causa, quod postea in circulorum descriptionibus, motus primi mobilis frequens, introducitur. Cuius uero sphaere sit, certo definire, nostrum negotium ut nō multum iuuat, ita haud magnopere impedit etiam si ignoretur. Idē sentio de longa ac operosa tractatione Planetarum, ac eorū motu, quæ ppe quæ ad hanc nostram scientiam nō exigantur. Geographus enim & Astrologo.

Astrologo excussa, ac recte demonstrata, tanquam hypotheses accipit. Qua de re oppido quàm pulchre ac copiose Strabo lib. 2. disseruit. Sat erit nobis, qui epitomen scribimus, de sphaera rudimentis iuuentutem admonuisse, ac qua poterimus facilitate duxisse. Debent itaq; eius rei nouitij auditores, perpetuo in memoria habere quatuor mundi plagas, orientem occidentemq; solem, Meridiem & Septentrionē, ut quorsum quæuis regio uergat, intelligant.

QVID SPHAERA, AXIS, POLI,
qua polorum nomina. CAP. IIII.

Sphaera est (ut ait Euclides libro xi. Elementorum) quando semicirculi manente dimetiente, circumductus semicirculus in seipsum rursus reuoluitur, unde inceptit circumassumpta figura. Hæc definitio causalis est & imaginaria, ut pleraq; sunt Mathematicorum. Imaginantur enim Mathematici, ex infinitis superficiebus fieri corpus.

b

Exemplum. Sit semicirculus a b c. eius dimetiens immobilis, a c. quod si circumagatur semicirculus ille, sphaeram fieri intelligimus:



Theodosius autem in libro de sphaeris ita ait: Sphaera est solida & corporea figura, una quidem conuexa superficie contenta, in cuius medio punctus est, à quo omnes rectæ lineæ, ad circumferentiā ductæ, inuicem sunt æquales. Et hæc definitio propria est, naturam sphaeræ ad amussim exprimens.

Axis sphaeræ, est linea recta, per centrum sphaeræ acta, circumferen-

B 2 tie am-

tiæ ambas extremitates attingens, circa quam sphaera uoluitur, quemadmodum rota circa axem.

Poli, qui & cardines & uertices dicuntur, sunt puncta axem terminantia. Omnis enim linea duobus finitur punctis. Poli itaque duo sunt, Alter qui nobis in Europa, & maiore parte Asiae habitantibus, perpetuo apparet. Hic & Arcticus dicitur, & Borealis, & Aquilonis, ac septentrionalis. Alter oppositus huic, qui Antarcticus dicitur, & Noticus, siue meridionalis. Is à nobis nunquam uidetur, sed ab antipodibus, quos esse, certo constat. *Antipodas*

QVO PACTO SPHAERA DIVIDATUR, quid recta, quid obliqua sphaera. C A. .V.

Ad equator
cu hinc per
SI, ut supra diximus, sphaera in aetherea, & elementorum corpora diuidi intelligitur, erit secundum substantiam diuisio. Quemadmodum si animal in hominem, equum, leonem, reliquasque eius species diuidas. Altera uero eius diuisio est secundum accidens, in rectam & obliquam. Sphaera recta est, quando uterque polus in horizonte conspicitur, & equator supra caput apparet. Sphaera obliqua est, dum alter polorum uisui patet, alter occultitur, ut nobis in Europa degentibus. Ubi considerandum, quod ubicunque homo sit, medium cœli illi semper apparere, ceteris paribus. Dum ergo homo sub equatore est, utrunque polum conspicit in horizonte. Sin ab equatore cedit, alter polus abscondatur, alter eleuetur necesse est. Et quantum ab equatore disceditur, tanta erit polorum uariatio. Hinc est dictum apud Geographos, tantam esse poli ab horizonte eleuationem, quantum punctus uerticis (quem zenith uocant) ab equatore semotus fuerit. Exemplum sphaerae rectae a b c, media sphaera & recta. b d, equatoris dimidietas. a c, poli in horizonte. a d c, axis sphaerae, siue rectus horizon. Exemplum sphaerae obliquae. a b c d, media sphaera & obliqua. b e, dimidium equatoris. c, polus. c e, dimidius axis. a e d, horizon obliquus, ut est in nostra sphaera.

GEOGRAPHIA.


Sphæræ rectæ exemplum

b Equator



d Equator

Exemplum Sphæræ obliquæ.



DE DECEM CIRCVLIS QVOS IN
Cælo Astrologi imaginantur. CAP. VI.

Circuli in sphaera sunt duplices: Alij sunt maiores, qui sphaeram
in duo æqua diuidunt: Alij sunt minores, qui non in duo æqua,
sed in maius & minus sphaeram secernunt. *Circulorum maiorum*
sunt sex: Aequator, Zodiacus, Colurus æquinoctiorum, Colurus solsti-

B } tiorum

HEN. CLAREANI

iorum, Meridianus, & Horizon. Minorum circularum sunt quatuor, Arcticus, Antarcticus, Tropicus Cancris, & Tropicus Capricornii. Sunt ergo decem in uniuersum.

Aequator est circulus maior, omniuaque suis partibus aequè à polis distans. Sic dictus, quoniam cum sol in eo est, nox diei omnino aequatur, & contra, dies nocti. Alio nomine Aequinoctialis & Acquidialis dicitur. Contingit autem aequinoctium bis in anno, semel mense Martio, in principio Arietis. Iterum mense septembri, initio Librae. Est autem tum aequinoctium per uniuersum orbem. Intelligitur autem circulus hic coelum medium ambire sua circumferentia. Atque ob eam causam primae sphaerae cingulus dicitur.

Zodiacus est circulus maior, Aequatorem in duobus punctis, quae sunt principia Arietis & Librae, dirimens, cuius una medietas ad Septentrionem, altera uero ad Austrum uergit. Latini eum signiferum uocant. In media autem Zodiaci superficie (solus enim hic circulus latitudinem habet duodecim partium, qualium maximus circulus, trecentarum sexaginta) linea est, ipsum in duo aequa partiens, & ultro citroque sex latitudinis gradus relinquens. Haec Ecliptica dicitur: eò quod Solis Lunaue eclipsis nunquam contingat, nisi sub ea ambo corpora consistant. Fieri autem non potest, ut Zodiacus eosdem habeat polos cum Aequatore, ergo eius poli à polis mundi distant gradibus. 23. & minutis. 51. hoc est fere. 24. Sed obiter hic notandae sunt quinque hypotheses ad intelligendas Eclipses, Solis ac Lunae. PRIMA.

Solem semper sub Ecliptica esse lineam, non etiam ceteros Planetas.

SECUNDA.

Lunam non habere per se lumen, sed à Sole accipere.

TERTIA.

Terram esse longe maiorem Luna.

QUARTA.

Non fieri Eclipsim nisi secundum diametrum.

Quinta

Q V I N T A.


I una corpus densum esse, & minime translucidum.

*Estigitur Eclipsis solis, quando Luna inter terram solemq; secundum
diametrum locatur. Luna uero Eclipsis est, quando terra inter Solem*

Lunamq; secundum diametrum ponitur.

*a b c d, linea ecliptica. e, terra. b d, diametrus, per centro-
rum corporum means. d, sol. b, luna. umbra, e b.*

Eclipsis Lunæ.



Eclipsis Luna potest esse uniuersalis, Solis uero minime.

HEN. GLAREANI

Eclipsis Solis.

f g h i, Solis sphaera sub ecliptica: m luna, l terra, umbra m l

g



Hec haftenus de Eclipsibus.

Ceterum Zodiacus in duodecim signa diuiditur quorum sex sunt arctica, siue septentrionalia: Sex item antarctica, siue australia. Arctica sunt haec: Aries, Taurus, Gemini, Cancer, Leo, Virgo. Australia haec: Libra, Scorpis, Sagittarius, Capricornus, Aquarius, Pisces.

Coluri in sphaera, duo sunt circuli maiores, qui ad angulos rectos & sphaerales se intersecant, diuiduntq; quadrantes zodiaci & aequatoris. Sic dicti, quod Graeci $\kappa\omicron\lambda\omicron\gamma$ mutila uocant & imperfecta, quemadmodum sunt coluri in caelo. Apparent enim dimidiati supra horizontem.

Colurus solstitorum, est circulus maior per principia Cancrī, & Capricornī

GEOGRAPHIA.

9

Capricorni, per polos Eclipticæ, pariter & polos mundi transiens. Hic & declinationum circulus dicitur.


Colurus æquinoctiorum itidem circulus maior est, per principia Arietis & Libræ, pariter ac polos mundi transiens.

Meridianus est circulus maior, per punctum uerticis & polos mundi transiens. Est autem punctus uerticis, qui recte supra rem ipsam positur, uelut in perpendiculo uidemus. Hic etiam Zenith uulgo dicitur, ac oppositus ei punctus Nadir. Nos non incommode (opinor) punctum pedum appellare possumus.

Linea meridiana autem sic inuenitur: In planum cum horizonte æque iacentem circulum pinge, stilumq; e medio ad perpendiculum erige, qui umbram in circuli planiciem iaciat. Porro tum consideranda est ascendentis solis & occidentis umbra à stilo facta. Nam ubi ea breuissima fuerit, scias meridianum deducendum esse à stilo in extremum breuissimæ umbræ.

Exemplum: Sit c oriens, & occidentis,

c SEPTENTRIO. g



MERIDIES.

a stilus erectus. umbra ab oriente in occidentem iacta maxima, a b breuior a d, & adhuc breuior a e, breuissima autem a f in septentrionem iacta. Nam sequentes umbræ in ortum a g, a h, & a c, ita crescunt ordine, ut priores decreuerunt. Est igitur a f linea meridiana.

C

h

OCCE-
DENS.

OR-
IENTIS.

In horologijs nostræ ætatis, lingula illa tremula, quæ circumvolu-
tur, lineam meridianam ostendit, quanquam non prorsus ad amussim.
Neque enim eodem meridiano nobiscum, inuenitur lapis ille, sed ali-
quanto magis orientali. Ac eius auriculæ Septentrionem, tinctæ ma-
gnete, qui in ijs regionibus reperitur, ostendunt.

Horizon, quem finitorem quoq; dicunt, est circulus maior, supe-
rius hemisphærium ab inferiore diuidens. Estq; is, in quem sub dio con-
sistentium, circumducentiumq; oculos, uidetur obtutus deficere, qui ex
partem cœli uisam, à non uisa dirimit. Diuersarum autem regionum
uarius est horizon, ex omnium horizontium capitis uertex, polus di-
citur. Nam tale punctum omniquaque ab finitore, atq; ipso horizonte
æque distat. Hactenus de circulis maioribus.

Arcticus, circulus minor est, quem polus Zodiaci ad motum primi
mobilis, circa polum mundi arcticum describit.

Antarcticus, est circulus minor, quem alter polus Zodiaci, circa po-
lum mundi antarcticum, ad motum primi mobilis efficit. Per Polum
Zodiaci intelligimus punctum ab ecliptica (de qua ante diximus) om-
ni parte æque distantem. Est itaq; alter ad Arcticum, alter ad Aus-
strum. Distant autem à polis mundi. 24. gradibus ferme.

Tropicus Cancræ, est circulus minor, quem Sol, dum longissime ab
æquatore in Boream deflexit, ad motum primi mobilis describit. Hoc
autem fit, dum Sol principium Cancræ intrat. Dicitur etiam tunc Sol-
stitium, quod Sol non ultra ad nos procedat.

Tropicus Capricorni, est circulus minor, quem Sol, dum longissi-
me ab Aequatore in austrum deflexit, ad motum primi mobilis efficit.
Fit autem hoc, cum Sol principium Capricorni attingit. Cæterum id
tempus Brumam uocant Latini scriptores.

Declinatio Solis est, dum ab Aequatore ad Tropicos, Sol discedit.
Arcus uero Coluri, interceptus à Tropico ex Aequatore, distantiam
eius habet.

etiam habet, quæ est, 24. graduum ferme. Tantum enim etiam Tropici ab æquatore distant, & poli Zodiaci à polis mundi, ut iam dictum est.

Ascensio declinationi contrario modo intelligitur, dum Sol à Tropici Aequatori appropinquat, quanquam sensibile iudicium dicit Solem ascendere, dum ad Tropicum Canceri descendit: descendere uero, dum à Cancro ad Aequatorem cedit, cum potius tamen ascendat

DE COMPOSITIONE MATERIALIS
SPHAERAE, ATQVE INIBI DE
Circulorum Theoria, CAP. VII.

Sphaeram materialem si quis componere uelit, hoc modo agat. Primum Coluros extruat, qui ad angulos rectos sphaeralesq; se intersecant. His, si ita uidebitur, axem aptet. Dein æquatorem cum ambobus Tropici, sed Aequatorem in medio, Tropicos ab Aequatore distantes. 23. gradibus, & .51. minutis, hoc est quod nunc toties diximus. 24. gradibus ferme. Sed notandum, primum circulis per quadrantes diuisis, ipsorum quidem quadrantum esse nonagenos gradus. Quare secundum eam theoriā, oportet reliqua spatia diuidere in circulis. Exempli gratia. Quadrans ita diuiditur: Primo in tres æquas partes: & hæc deinde rursus in ternas alias: Deniq; hæc singule in denas. Atq; ita in quouis quadrante. 90. gradus emergunt. His ita habitis, facile est reliqua uel demere, uel addere. Nam unica hac distantia seruata. 24. ferme graduū, spacia in sphaera facile noscuntur. Tot enim gradibus distant Tropici ab Aequatore, atq; Arctici à suis polis: & Zodiacus ab altero Tropico ad alterum ita ponitur, ut ecliptica ambos contingat, scindat autem Aequatorem super Coluro Aequinoctiorum, appropinquet uero polis super Coluro solstitiorū. Postremo Meridianus & Horizon aptentur secundum ipsorum descriptionem, & parata est sphaera, quantum Geographico negotio usui est.

Integrum est res tota, aut rei pars, quæ sexagenaria diuisione non

C 2 prouenit

HEN. GLAREANI

prouenit. Minutum est sexagesima pars integri. Secundum est sexagesima pars Minuti. Tertium, sexagesima pars Secundi: atque ita deinceps secundum multitudinem unitate crescentem. Exemplum in circulis: Zodiacus diuiditur in 4. æquas portiones, quos quadrantes uocamus, Quadrans in tria signa, Signum in 30. gradus, Gradus in 60. minuta, Minutum in 60. secunda, secundum in 60. tertia, &cæt. Exemplum in tempore. Dies naturalis in 24. horas diuiditur. Hora in 60. minuta, Minutum in 60. secunda, Secundum in 60. tertia, & sic deinceps. Colligitur ergo quæ minuta præcedunt, esse integræ quæ uero sequuntur, esse partes integri.

QVID PER ELEVATIONEM POLI INTELLIGATUR. CAP. VIII.

PORRò firmis rationibus demonstratum est ab Astrologis, ubicunque locorum homo fuerit, medium cœli illi semper apparere. Hoc autem animaduertendum, in singulis regionibus, singulos esse horizontes. Denique illud etiam operæ precium est notare, si homo sub æquatore fuerit, illi apparere utrūq; polum in horizonte: Sin ab æquatore cesserit polos uersus, alterum polorum eleuari, alterū deprimi inuisibilemque reddi. Atque ut res clarior sit, exemplo hoc demonstrandum est. Cede ab æquatore septentrionem uersus uno gradu, polus Arcticus uno gradu leuabitur, Antarcticus deprimetur, uerticis punctus, pedumque itidem uno gradu cedent. Item si ab æquatore ad Tropicū usque Cancrī iueris, leuatus est polus Arcticus. 24. gradibus ferme, totidem Antarcticus depressus gradibus, tot etiā cesserit punctus oppositus uerticali puncto, ac sic deinceps, donec sub ipsum polum conueneris. Quatuor itaque hæc puncta, magnam huic negotio lucem adferunt, quare diligenter consideranda sunt. Colligitur ex his, idem esse si dicas: polus noster. 50. gradibus leuatur nobis: Siue: polus noster ab horizonte. 50. gradibus distat: Siue: zenith nostrum ab æquatore. 50. gradibus abest.

Est autem

Est autem hæc huius rei demonstratio.



Sit Colurus nostro Meridiano iunctus, $a b f$. horizon $a e$, Zenith eius c . equator $b f$. Polus mundi arcticus, d . erit $c e$, quarta circuli pars, & $b d$ similiter. Probatio, quia sunt quadrantes à polis ad suos circulos. Sunt autem quadrantes circulorum maiorum omnes æquales. Porro $c d$, communis arcus est duorum quadrantū $c e$, & $d b$. Ipso igitur dempto, reliqua erunt æqualia, uidelicet $b c$, distantia Zenith ab æquatore, & $d e$ eleuatio poli supra horizonta. Probatio. Si ab æqualibus æqualia demas, remanentia erunt æqualia.

DE QVINQVE ZONIS. CAP. IX.

Zona est spaciū de superficie cœli, ac eadem quidem proportionē terræ, inter duos circulos minores comprehensum. Sunt


C. 3 autem

HEN. GLAREANI

autem circuli diuidentes zonas, quatuor, duo Tropici, Arcticus & Antarcticus. Porro Aequinoctialis non diuidit zonas, sed unam zonam mediam secat, uidelicet Torridam. Neque uero per zonas circuli intelligendi sunt iam dicti quatuor: cum zone uox superficiei sphaerae imposita sit. Nec ulli circuli in caelo latitudinem habere intelligentur, uno excepto zodiaco. Nec obstat, quod circulus etiam superficies est. Latitudo enim eius non cingere sphaeram, sed diuidere intelligitur, quanquam circuli peripheria etiam suo modo cingit sphaeram. Hic illud notandum, quemadmodum in caelo aequator est, ita etiam in terra, & eodem modo de alijs circulis minoribus. Est enim terra, quae subiecta est aequinoctiali, Est item quae subiecta est Tropici, denique, quae subiecta est extremis circulis. Atque ita etiam de zonis intelligendum. Nam ut in caelo quinque sunt zone, ita sua proportionem, quinque in terra. Id nemo exquisitius, nemo paucioribus uerbis, nemo tam docte descripsit atque Ouidius lib. primo τὸν μεταμορφώσεων.

Vtque duo dextra caelum, totidemque sinistra
Parte secant zone, quinta est ardentior illis,
Sic onus inclusum numero distinxit eodem
Cura dei, totidemque plaga tellure premuntur.
Quarum quae media est, non est habitabilis aestu.
Nix tegit alta duas, totidem inter utranque locauit,
Temperiemque dedit mixta cum frigore flamma.

Latitudo Zonarum facile habetur, si quis sciat distantiam quinque circulorum. Nam 24. ferme gradus totum negotium uersant.



DE PARALLELIS, AC GNOMONVM
RATIONE CAP. X.

Dvplices sunt in sphaera paralleli. Alij enim distinguunt gradus latitudinum, & illi pinguntur in mappa, nonnunquam quibus gradibus

SEPTENTRIO.



nis gradibus, nonnunquam denis distantes, numerando ab æquatore polos uersus. Alij distinguunt differentias horarum diei artificialis. Nam quo magis ab æquatore disceditur, tanto maior uariatio accidit horarū. Hi autem paralleli non pinguntur in mappulam, uerum marginibus adponuntur. Intelliguntur tamen per totam terram ab oriente in occidentem. ac de his nunc tractabimus. Vt autem intelligatur qua ratione positi sint, hæc prænotanda duximus, Quod longitudo regionum sumitur ab ortu in occasum, Latitudo uero à septentrione in austrum. Porro latitudinem determinant paralleli, mensurant meridiani. Longitudinem uero distinguunt meridiani, mensurant paralleli. Cum autem omnes meridiani in polo conueniant, omnes sibi inuicem sunt æquales: sunt enim maiores circuli. Paralleli uero, cum non habeant ubi concurrant (quippe sic non essent paralleli) necessum habent, ut alius alio sit maior, omnium uero maximus æquator, & ipsi à meridianis inæqualibus arcubus interfecantur: quorum arcuum proportio sciri non potest, nisi ex totius circuli proportionem ad maximum. Præterea notandum, sub æquatore habitantibus, semper esse diem nocti æqualem, duodenarum uidelicet horarum. Cuius causa est, quod horizon eorum omnes parallelos, quos sol describit, medios secat, ad angulos rectos & sphaerales, æqualesq; arcus supra atq; infra horizonta relinquit. Verum quo magis ab æquatore disceditur, tanto maiorem esse horarum uariationem, noctisq; & diei. Ergo ubi horarū uariatio est ab Aequatoris æqualitate uno quadrante, ibi aliquis nouus parallelus ab oriente in occidentem à Ptolemæo descriptus est, usq; in eum, qui per medium Hybernæ, ubi propter sphaeræ præcipitæ coarctationem, non quadrantibus proceditur, sed medietatibus, & paulo post totis horis. Est autem hæc subiecta descriptio ex Ptolemæi libro *περὶ τῆς μεγάλης γεγραμμένης*.

Amphibiscy Sex. Tropicus Cancr. Aequator

20	16 $\frac{1}{2}$ $\frac{1}{4}$	152.10. minut.	33 $\frac{1}{2}$	79 $\frac{1}{12}$	253 $\frac{1}{3}$	Per Rheini offia	I
19	16 $\frac{1}{2}$	51 $\frac{1}{2}$ 0	31 $\frac{1}{2}$ $\frac{1}{12}$	75 $\frac{1}{2}$ $\frac{1}{12}$	229 $\frac{2}{3}$	Per Agrippinam coloniā	IX
18	16 $\frac{1}{4}$	50 $\frac{1}{4}$	29 $\frac{1}{2}$ $\frac{1}{3}$ $\frac{1}{12}$	71 $\frac{2}{3}$	210 $\frac{1}{3}$	Per mediam Moeotim.	
17	16	48 $\frac{1}{2}$ minut.	27. $\frac{1}{2}$	67 $\frac{1}{2}$ $\frac{1}{3}$	188 $\frac{1}{2}$ $\frac{1}{12}$	Per Borybheims offia.	VIII
16	15 $\frac{1}{4}$	46.51. minut.	25 $\frac{1}{2}$	63 $\frac{2}{3}$ $\frac{1}{12}$	174 $\frac{1}{6}$	Per fontes Istri.	
15	15 $\frac{1}{2}$	45.1. minut.	23 $\frac{1}{4}$	60	155 $\frac{1}{12}$	Per mediu pontu Euxinu.	VII
14	15 $\frac{1}{4}$	43 $\frac{1}{4}$	20 $\frac{1}{2}$ $\frac{1}{3}$	55 $\frac{1}{2}$ $\frac{1}{3}$ $\frac{1}{12}$	144 $\frac{1}{4}$	Per Masyliam.	
13	15	40.56. minut.	18 $\frac{1}{2}$	52 $\frac{1}{2}$	127 $\frac{1}{2}$ $\frac{1}{3}$	Per Hellepontum	VI
12	14 $\frac{1}{4}$	38 $\frac{1}{2}$ $\frac{1}{12}$	15 $\frac{2}{3}$	47 $\frac{1}{2}$ $\frac{1}{3}$	114 $\frac{1}{2}$ $\frac{1}{3}$ $\frac{1}{12}$	Per Smyrnā.	
11	14 $\frac{1}{2}$	36	12 $\frac{1}{2}$ $\frac{1}{3}$ $\frac{1}{12}$	43 $\frac{1}{2}$ $\frac{1}{12}$	103 $\frac{1}{3}$	Per Rhodum	V
10	14 $\frac{1}{4}$	33.18. minut.	10	39 $\frac{1}{2}$	93 $\frac{1}{12}$	Per mediam Phoeniceam.	
9	14	30.22. minut.	6 $\frac{1}{2}$ $\frac{1}{3}$	35 $\frac{1}{12}$	83 $\frac{1}{4}$	Per inferiora Aegypti.	IIII
8	13 $\frac{1}{4}$	27.40. minut.	3 $\frac{1}{2}$	31 $\frac{1}{2}$ $\frac{1}{3}$	74 $\frac{1}{6}$ $\frac{1}{2}$ $\frac{1}{12}$ $\frac{1}{12}$ $\frac{1}{12}$	Per Ptolemaida Thebaida.	
7	13 $\frac{1}{2}$	23.51. minu. 20. sec.	0	27 $\frac{1}{2}$	65. $\frac{1}{2}$ $\frac{1}{3}$	Per Syenen.	III
6	13 $\frac{1}{4}$	20.14. minut.	3 $\frac{1}{2}$ $\frac{1}{4}$	22 $\frac{1}{3}$	58 $\frac{2}{3}$	Per Napatos	
5	13	16.27. minut.	7 $\frac{1}{2}$ $\frac{1}{4}$	17 $\frac{1}{2}$ $\frac{1}{4}$	51	Per Mercen.	II
4	12 $\frac{1}{2}$ $\frac{1}{4}$	12 $\frac{1}{2}$	12	13 $\frac{1}{3}$	44 $\frac{2}{3}$	Per Adulicum sinum.	
3	12 $\frac{1}{4}$	8 $\frac{1}{3}$ $\frac{1}{12}$	16 $\frac{1}{2}$ $\frac{1}{3}$	8 $\frac{1}{2}$ $\frac{1}{3}$	37 $\frac{1}{2}$ $\frac{1}{3}$ $\frac{1}{12}$	Per Audicum sinum.	I
2	12 $\frac{1}{4}$	4 $\frac{1}{4}$	21 $\frac{1}{3}$	4 $\frac{1}{2}$ $\frac{1}{12}$	32	Per Tapyrobanen.	
1	12	0	27 $\frac{1}{2}$	0	27 $\frac{1}{2}$	Per mediam Abbricam.	

Aequator

Tropicus
Cancr.

Gnomonium umbrae.

Aequinoctialis.

Hyberna.

Polus *
Arcticus.
Circulus
Arcticus.

Periclypeum

Heteroclypeus

Numerus parallelorum.		Horæ cum partibus.		Elevatio poli, siue elongatio parallelorum ab Aequatore.		Loca per que scribuntur paralleli.		Climata.	
37	Medius annus	90		90		Per mare glaciale		XIX	
38	Menses quinq;	84		75		Per mare glaciale			
39	Menses quatuor	78 $\frac{1}{2}$		60	Gradus Tropici ex utraq; parte	Per mare glaciale		XVIII	
40	Menses tres	72 $\frac{1}{2}$		45	puncti maxime elevationis suæ	Per Pilappos			
41	Menses duo	66 $\frac{1}{2}$		30	pra horizonta latitudi.	Per mediam Islandiam		XVII	
42	Mensis unus	60 $\frac{1}{2}$		15		Per Gothiam			
43		66 $\frac{1}{6}$			Perfection primus. i. umbras circum-	Per Gothiam		XVI	
44		66			(ducentium.	Per Gothiam.			
45		65 $\frac{1}{2}$				Per extrema Scythia.		XV	
46		64 $\frac{1}{2}$				Per Scythiam.			
47		63				Per Thulen.		XIII	
48		62				Per Ebudas insulas.			
49		61				Per septem. Hyberniæ		XIII	
50		59 $\frac{1}{2}$			Hic umbrarum rationes deficiunt.	Per medium Hyberniæ.			
51		58			40 $\frac{2}{3}$	Per australes part. Hyb.		XII	
52		57			39 $\frac{1}{2}$	Per Camolodunū Britan.			
53		56			38 $\frac{1}{2}$	Per mediam Britannia.		XI	
54		55			37 $\frac{1}{2}$	Per Bullen Britannia.			
55		54. i. minut.			36 $\frac{1}{2}$	Per Tanais offia.		X	

MEN. GLAREANI

In hac figura primus ordo significat numerum Parallelorum. Sunt enim .39. in uniuersum. In secundo ordine posite sunt horæ cum partibus. Deuenitur autem ab. 12. horis ad medium annum. Porro tertius ordo declarat, quot gradibus quuius parallelus ab æquatore distet, donec ad nonagesimum usq; gradum peruentum fuerit. Deinde sequuntur tres ordines pro umbrarum in Gnomonibus ratione, quorum primus æstiuam umbram explicat, Secundus æquinoctialis, Tertius hybernæ, usq; ad .25. parallelum. Nam ultra deficiunt rationes umbrarum, propter propinquitatem nimis angustam, ut ait Ptolemæus.

Vltimus ordo loca habet in terra habitabili, per quæ paralleli ipsi meant. Marginibus porro apposuius utrinq; illic parallelorum nomina ex umbris, hic climatium numerum. Sed de ijs in sequentibus copiosius differemus. Exempli gratia. Aequinoctialis est primus parallelus, qui habet perpetuo. 12. horas. Elongatio eius nulla est: quippe alij paralleli ab ipso distant. Aestiua umbra est. 27. & semis partium, quælium Gnom. 60. Aequinoctialis nulla, Hyberna totidem quot æstiuæ. Per mediam autem Africam describitur æquinoctialis, ut habet nostra ætate terra habitabilis.


Item secundus parallelus .12. habet horas, & quadrantem: distat ab æquatore gradibus quatuor & quadrante. Umbra æstiuæ partes habet. 21. & trientem. Aequinoctialis partes. 4. cum triente & uncia. Hyberna uero triginta duas. Meant autem per Taprobānen insulam Indici maris. De reliquis parallelis eodem modo coniiciendum.

De Gnomonibus autem hoc sciendum: Erigatur ad perpendiculum stilus in plano, æque cum horizonte iacente, diuidaturq; stilus in. 60. æquas partes, in quas easdem & planum iacēs æque scindatur, sed longius multo protendatur, uidelicet ut hyemales umbræ pingi queāt. Tū sanè in quauis regione, quas diximus umbras, facile uidebis. Nam æquinoctialis umbra bis in anno inquiri potest, æstiuæ semel, ac hyberna semel, uidelicet cum sol est in Tropici. Deficiunt autem umbrarum rationes in uicesimo sexto parallelo. Superfluumq; est (ait Ptolemæus) uel horarum

horarum, uel umbrarum quadrantes, in gnomonibus recedere, ob nimis angustam propinquitatem parallelorum. Porro obiter hic notandum, q̄ ex umbrarum, quanquam alia ratione, triplices sunt nominati paralleli. Primi Amphiscij, id est, in utraque partem umbram mittentes. Fit enim bis in anno, sole ad uerticem aduentante, ut gnomones nullam umbram faciant in meridie. Ac horum quidem umbræ ad Austrum declinant, cum Sol circa Cancrum uersatur: ad Septentrionem autem, cum Sol ad Capricornum descendit. Tales certe sunt omnes inter duos tropicos comprehensi paralleli: In figura uero nostra, sex primi.

Alteri sunt Heteroscij, id est in alteram duntaxat partem umbram mittentes. Primus eiusmodi est parallelus per Syenen, uidelicet Tropicus Cancræ, quanquam is Solem supra caput habet, nō etiam reliqui Heteroscij. Heterosciorum itaq;

E primus



Gnomonum umbra in XVII. parallelo.

HEN. GLAREANI

primus est Tropicus Cancrī, Vltimus autem tricesimus secundus, numero quidem uigesimus sextus, omnes à Tropico Cancrī ad circulum arcticum usq;. Vltimi sunt Periscij, id est, qui umbram in omnes horizontis partes mittunt in circulum omni die. Horum primus est tricesimus tertius parallelus. Quippe in hoc dies. 24. horarum est. Et totus quidem aestiuus tropicus supra horizonta conspicitur, alter uero occultitur. Numero, quidem Periscij sunt septem, à circulo arctico omnes ad polum usque.

Inter circulum arcticum & polum, propter sphaerae angustiam, differentia parallelorum per. 15. augetur gradus, sed utrinque ab latere Meridiani intellecti, qui menses singulos efficiunt, donec sub polum deuentum est, ubi dimidiatus annus est, dies unus: dimidiatus alter, nox una: quoniam sex ibi signa supra horizonta consistunt, sex infra. Itaq; totus annus illic ex die uno, & nocte una conflatur. Est autem haec figura dimidiatae sphaerae. Nam hemisphaeria eiusdem rationis sunt. Et quae in hoc diximus hemisphaerio, in altero prorsus ita habent. Quare res explicata in hoc nostro, in altero patet.

DE CLIMATVM RATIONE,
CAPVT. XI.

CLima proprie regio est, & ut Columella ait, quoquo uersus 60. pedum. Est enim octaua pars iugeri. Apud Geographos uero horarum inclinatio dicitur. Definiunt autem hoc pacto: Clima est spaciū terrae, inter duos parallelos comprehensum, in quo porrectissime ab initio Climalis, usq; ad finē eiusdem, dimidiata hora uariatio est diei. Vbi notandum, quotum aliquod clima ab aequatore fuerit, tot semihoris, longissima eius loci dies, superat diem nocti aequalem. Est igitur ratio Climatorum dupla ad rationem parallelorum. Nam paralleli quadrantibus distant, Climata uero duobus quadrantibus, id est, mediatis horis. Et ubi paralleli dimidiatis horis cōstituuntur, ibi Climata integris


integris horis procedunt, & sic sequenter ad finem usq; parallelorum, seruata dupla ratione. Ex figura autem præcedenti parallelorum, facile est conijcere omnia accidentia Climatum, ut sunt horarum differentia, poli eleuatio, & umbrarū ratio. Porro qui nostra ætate de Climatum ratione scripserunt, præceptionem nobis dederunt, cum ab initio, tum à fine claudicantem: qualis est Ioannis à Sacro Busto, quem author de sphaera, uocant. Climata uero haud dubie denominari debēt ab ultimo parallelo, ubi media hora diei uariatio est. Erunt itaq; Climata. id. his nominibus nominata: Per Aualicum sinum, per Meroën, per Syenen, per inferiora Aegypti, quod alij $\delta\iota\alpha\ \alpha\lambda\epsilon\gamma\upsilon\sigma\varsigma\epsilon\iota\alpha\varsigma$: per Rhodum, per Hellespontum, quod author de sphaera uocat $\delta\iota\alpha\ \rho\acute{o}\delta\omicron\upsilon\mu\epsilon$: per medium pontum, per Borysthenis hostia, per Agrippinam Coloniam, per Tanais fluuij hostia, per mediam maiorem Britanniam, per australes partes Hyberniae, per septentrionalia Hiberniae, per Thylen, per extrema Scythiae, per Gotthiam, per mediam Islandiam, per mare Glaciale, & ultimum hinc polum usq;. Ceterū ut hic descripta sunt Climata hemisphaerij nostri, ita in altera parte alterius hemisphaerij, eadem ratione constitui possunt, quemadmodum etiam antea de parallelis diximus.

QVOD TERRAE QVANTITAS HV-
MANO INGENIO CERTO DE-
prehendi queat. CAP. XII.

AD eam rem hypotheses sunt aliquot. Prima. Circuli ad circulum esse proportionem. Secunda. Medium cœli nobis semper apparere. Tertia. Demissos radios à sole, in terræ differenteis partibus, parallelos esse. Quarta. Terram se ad totum cœlum habere uelut punctum. Quinta. Aequalium angulorum productis circumferentias, similes esse, id est, eandem rationem, proportionemq; habere ad circulos suos. Eius est exemplum subsequens.


E 2 Nam queme

Nā quemadmodum $b a$,
est quadrans maximi cir-
culi $a b c d$, ita $f e$ est qua-
drās medij circuli $e f g h$
et $n l$ minimi. Sunt enim
oēs ad angulū $a i b$. Itē ut
 $p e$ est octaua pars medij
circuli, ita $l l$ est octaua
pars minimi circuli. Sūt
enī ad eundē angulū ar-
cus. Ita quemadmodū cœ-
lū in quatuor æquas ptes
diuidimus, super centrū



mundi, nimirum sua proportionē etiam terra in quatuor partes scinditur, ut superni quadrantes infernis quadrantibus comparētur. Et quē-
admodum quadrātes in cœlo nonagenis gradibus diuiduntur, ita etiam
terræ quadrantes. Cum autem cœlum circumuoluatur, totum utiq; sub
aspectum cadit: atq; ita facile est illic quartam portionem inuenire. Sec-
cus autem de terra Quandoquidē homo diutina peregrinatione, ni su-
periora respexerit, sc. re nō potest quotam partem eius transierit. Alioq;
facillimum erat totius terræ quantitātē, atq; adeo omnes eius partes in-
uestigare. Ideoq; hæc ex superioribus uenari oportet. Quam ad rem
sunt Arstrolabia, atq; alia instrumenta multa. Porro de quadrante ne-
gotium facillimum est, id nunc exequemur. Diuide quemuis circulum
in partes quatuor, ita ut dimetientes duæ se in centro ad angulos rectos
intersecant. Deinde semidiametro alteri pinnulas appone, per quas ex-
poli stella, uel aliud astrum uideri queat: aut per quas radij solares
possint demitti. Ex dictis autē notum est, si per pinnulas uideas polum,
eam dimetientem significare axem mundi: alteram autem pinnulis ca-
rentem, æquatorem. Quod si per foramina pinnularū, radios solis ac-
cipias.


Epicias (quod commodissime fit cum sol sub æquatore decurrit) illa dime-
 tiens tunc significat æquatorem, altera uero axem mundi. Porro limbus
 quadrantis diuidendus est in nonaginta partes, & si uoles, etiam oppo-
 situs arcus in totidem. Deniq; fige in centrum perpendiculū, & paratus
 est quadrans, quantū ad hoc negocium attinet. Huius hac est figura.



Ceterum memoria tenendum est, quod capite octauo diximus, quatuor puncta cum horizonte cedere, ab meridie in septentrionem cedentibus nobis, aut contra, à septentrione in meridiem. Sunt autem hæc, Duo poli, Zenith capitis nostri, atq; punctum ei oppositum. Nam quantum superius nos ab æquatore discesserimus, tantum inferius oppositum punctum identidem cedit, atq; adeò polus alter leuatur, alter deprimitur. Ideoq; hæc quatuor idem sunt, Distantia Zenith ab æquatore, distantia puncti oppositi ab eodem æquatore, eleuatio poli, ac depressio alterius poli.

Est item huius negotij alia demonstratio, quæ tamen etiam ipsa procedit ex capite octauo.

Esto circulus $a b c d$, Colurus nostro Meridiano iunctus. Sed $b d$ horizon, item $e f$, axis ac poli mundi. Porro æquator sit diameter $o p$, Deniq; $h g m$, quadrans minoris circuli. Et limbus eius, $g n m$, respondens inferiori quadranti in cælo, $f c p$. Item pinnule quadrantis $g h$. Sed perpendiculum $h i l$. Cum autem horizon à nobis sit institutus $b d$, erit eius axis $a c$, in quem perpetuo cadet perpendiculum. Si igitur polum inspicere quis uolet, cadet $g h$ latus quadrantis minoris circuli, cum axe mundi $f e$. At $h m$, cum æquatore $o p$. Viso igitur polo, uide quo perpendiculum ceciderit. Id enim in limbo, quem uidemus ita esse. 90. partibus dissectum, quemadmodum prior formula monstrabat, numerum graduum ab n in m abscindit, quæ certe portio quadrantis respondet cæli portioni, quæ est $c p$. Tum ita ratiocinandum. Eadem est distantia Zenith ab æquatore in nobis apparenti hemisphærio, quæ est puncti pedum in inferiore ac nobis absconso hemisphærio. Sed $n m$ respondens $c p$ indicat nobis numerum graduum, quantum punctus pedum ab æquatore distat, ergo etiam quantum Zenith nostrum ab æquatore distat, indicabit. Porro cum eadem distantia sit Zenith ab æquatore, cum eleuatione poli, ut capite octauo demonstratum est, numerus graduum in limbo quadrantis abscissus à perpendiculo, uidelicet ab n in m , erit numerus eleuationis poli, ac sic regionum latitudo à nobis inq̃sita est.



De latitudine

HEN. GLAREANI
DE LATITVDINE TERRAE:
CAPVT, XIII.

Latitudo terræ à Meridie in Septentrionem intelligitur, sed perquiritur ex superioribus dictis. Quippe sub æquatore polus in horizonte conspicitur. Sin autem uerso itinere ad alterutrum polorum, ab eo uno gradu cesserimus, id quod, ut iam diximus, ex instrumento facile haberi potest, hoc tum spatium metiri oportet: quo menso, aperte apparebit, quantum terræ singulis gradibus respondeat. Porro id inter binā loca, ubicunq; gentiū uoles, inuenire poteris, modo à Meridie in Septentrionem, aut contra, incesseris recta sub meridiano. eum numerum uel miliariorum, uel stadiorum inuentum multiplica in. 360. gradus. Ita habebis totum ambitum terræ, qui quidem est secundum maiorem circulum. Verum quot stadia singulis gradibus respondeant, diuersum authores tradidere. Ptolemæus enim singulis gradibus quingenta stadia deputat, quæ si multiplicauerimus in. 360. gradus, prouenient. 180000. stadiorū. Rursus si hunc numerū multiplicauerimus per. 7. ac summam productam per. 22. diuiserimus, emerget subito numerus dimetientis, stadiorū. 57272. ac $\frac{1}{11}$. Quod si octona stadia singulis milibus passuū deputabis, sunt totius ambitus miliaria Romana. 22500. Plinius enim lib. 2. cap. 32. ait stadium habere passus. 125. Itaq; in milenos passus uenient octona stadia. Eratosthenes autem, ut idem Plinius penultimo capite lib. 2. author est, singulis gradibus deputat septingenta stadia. In quibus à Ptolemæo ducentis stadiis distat. Eratosthenis supputationem secutus est Strabo & ueterum plerique, & author de sphaera. Ambitus autem totius maioris circuli, authore Eratosthene, crit. 252000. stadiorum, At millium passuum. 31500.

DE LONGITVDINE CIVITATVM
CAPVT. XIIII.

Sanè à Borea in Austrum per facile est regionum latitudinem, ut scapite præcedente iam docuimus, inuenire: quandoquidē utrinq;
aliquod

aliquod immobile principium est, uidelicet polus. At ab ortu in occasum non ita facile, quando nullum ibi principium immobile uidetur. Ideoq; notandum, quemadmodum zodiacus in .12. signa diuiditur, ita etiam æquinoctialis. Quem eo libentius nominamus, quod zodiaci signa inæqualiter oriuntur atq; occidunt. Porro quinideni gradus æquinoctialis, id est, dimidiatum signum, singulis horis conscendunt, Triceni uero, id est, totum signum, binis horis. Sequitur ex eadem ratione, ut totus æquator intra .24. horas exoriat, quæ faciunt diem naturalem. Item semicirculus intra .12. & singuli quadrantes senis horis: Vt igitur ciuitatum longitudo inuestigetur, hoc considerandum est, quot horis citius Sol oriatur huic, quàm alteri ciuitati. Necessum enim est, ut quæ magis ad orientem sunt urbes, etiam citius orientem solem habeant, quàm eæ, quæ ad occasum uergunt. Quod si ciuitas aliqua, una hora citius habuerit orientem solem quàm altera, haud dubie quinidenis gradibus distabunt. Si duabus horis, tricenis. Sin media hora, distabunt gradibus septenis ac semisibis. Verum hæc differentia ortuum, in diuersis regionibus potest accipi, ex uno aliquo, quod eodẽ tempore, atq; adeo uno momento apparet in diuersis regionibus. Quales sunt eclipses Lune, quæ uno quidem minuto temporis consistunt, sed ijs, qui magis orientales sunt, plures horas de horoscopo abscindunt, quandoquidem citius habuerunt orientem solem, ideoque citius etiam numerarunt: ut Arbilis Assyriæ urbs orientem uersus, habuit Eclipsim hora quinta, quando Carthago occidentem uersus hora secunda. Tribus ergo horis distant, gradibus .45. authore Ptolemæo libro .1. capite quarto.

Eius sit typus subsequens.


F

a, Sinarum

HEN. GLAREANI.

a, Sinarum regio & oriens. c, Fortunatae insula & occidentis.
 a b c, superius hemisphaerium cognitum. a d c, inferius hemisphae-
 rium Ptolemaeo incognitum. b c d, arcus noctis Sinarum. d a b,
 arcus noctis insularum Fortunatarum.

SEP= b TENTRIO.



MERIDIES

DE MENSURA ET EIVS PARTIBUS, atq; inibi de pede Romano. CAP. XV.

Mensuram omnem, de qua nobis sermo est, finitam esse constat. Partes uero eius multae sunt, cum apud Latinos, cum apud Graecos. Nobis à minimis incipiendum, sed breuiter, ut alia. Est igitur digitus, qui continet quatuor hordei grana in latum posita. Palmus minor quatuor habet digitos, graece $\pi\alpha\lambda\alpha\chi\iota\varsigma$, à nostris transuersa manus. Maior, 12. digitos, quem Graeci $\sigma\tau\epsilon\lambda\chi\iota\varsigma$ uocant, Latini doctantem. Pes quatuor palmos minores habet. Cubitus siue cubitum, sesquipedem. Gressus, duos pedes & semissem, graece $\beta\acute{\upsilon}\rho\alpha$. Passus quinque pedes, hoc est, duos gressus. Orgia, sex pedes: est enim mensura inter manus expansas, ut uertit ex Suida Budaeus. Stadium 125 passus. Plethrum centum pedes, quanquam saepe pro iugero capitur. Diaulos, duo stadia. Milliarium nomen habet à mille passibus: continet aut stadia octo. Dolichos, duodecim stadia. Schenus 60. stadia. Parasanga 10. stadia. Stathmos porro, id est, tabellarius, uue ueredarius diuersorium, mensurarum maxima, non ita certa tamen: apud quosdam tamen milliaria, 28. & semis continet.

Quando autem de mensuris certatim omnes praecipunt, qui Mathematica nostra etate docent, pauci uero, quoties quid oculis subiiciendum est, quicquam certi adferre in medium possunt, operae pretium uisum est nobis, mi ornatissime Ioannes, studiosae iuuentuti indicare uel unam hic mensuram pictam, pedis inquam Romani, quam quondam cū Lutetiae degerē, à Clariss. uiro, D. Guilielmo Budaeo, Galliae nostrae maximo ornamento, accepi. Nam forte cū ab urbe pestis nos pelleret, ac ambulare aliquo liberet, commodū in mentē uenit, ut illius uillam inuiserem. Et uidi quidem non absq; ingenti uoluptate. Demum Basileae cū benignitas tua è Francica legatione reuersa, uellet aliquot mensibus hic frui cōsuetudine D. E R A S M I Roterodami, uerē ac Christianae Theologiae instauratoris, parentisq; nostri, ac omnium studiosorū,

F 2 monstraretq;

HEN. GLAREANI

monstraretq; mirificum hoc opus sphaerae, quod Christianissimus Galliarum rex FRANCISCUS tibi dono dederat in monimentum amoris mutui. Memini me quoque tum tibi commonstrasse, quid muneris ego à Budæo, eiusdem illustrissimi regis Secretario haberem. Erat munus illud tuum regium, eximium, ac magnificum, à maximo principe datum. Meum nõ eiusmodi, sed tamen quale decebat doctum ac eximium uirum dare, studiosum accipere. Certe ut nulla sit donorum comparatio, certe animi nobis aestimandi sunt. Rex est omnium munificentissimus, Budæus omnium humanissimus, uterq; munificus, uterq; humanus. Sed ad rem reuertar. Iubebas tum ut faber aliquis eundem pararet tibi pedem, quod factum est à nobis sedulo. Atque hic est, quo urbs Parisiensis in operibus publicis utitur. Putatq; Budæus eam formam à Romanis in Gallias, ut pleraq; alia, uenisse. Eam hic oculis subijcere placuit, sed dimidiatam duntaxat, propter spacij angustiam.

Porro cum hæc scriberem, in manus nostras uenit alius Romæ pedis typus Leonardi de Portis, Jurisconsulti Vicentini, uiri apud prime eruditi, ac diligentis, quam ait Romæ in hortis Angeli Colocij uiri doctissimi extare. Eam quoque formam hic appinximus, ne studiosi hic quicquam desiderarent.

Parisienfi pedi ferme conueniunt apud artifices formæ, quibus in operibus publicis utuntur. Superat autem Leonardi pedem plus uncia. Et ipse Leonardus ingenue fatetur pedum publicorum formas maiores esse uncia. xvi. digitis manus non omnino crassæ, ut nunc sunt homines. Ridiculum autem fortassis, quod quidam putant olim maiores fuisse homines, quàm sint nostra etate. Ut res se habeat, uerisimilius est cum primum typus hic hominibus placeret, ut mensuræ examen esset, electum esse hominem eximie stature non omnino portentose, nec etiam prorsus uulgaris, à cuius magnifica forma,

magnifica.

Uncia siue
pollices.
Digit.

I	I	II	III	V	VII	VIII
---	---	----	-----	---	-----	------

Dimidium pedis Romani, ac urbis Parisiensis,

Digit.
Polimi.

I	II	III	III	V	VI	VII	VIII
---	----	-----	-----	---	----	-----	------

Dimidium pedis antiqui ex Leonardo.

magnifica mensura acciperetur. Et uidi quorum pedes excederent hanc formam Parisiensem, sed in paucis: in plarisq; deficere. Leonardus putat à natura hæc inspicienda: quandoquidem denominatio pedis à natura est: Et siliquas ubiq; esse easdem, & digitos quoq;. At ego conijcio postea hanc per siliquas diuisionem à doctis adiectam, primū autem pedem usurpatū ut nūc publice habetur. Verum huius negotij institutū non est, ut hæc exactius prosequamur. Quod aut ad negotium nostrum attinet, sciendum in omnibus circulis maioribus, quoquo uersus trahantur, omneis gradus æquales esse, atq; singulis quingenta stadia respondere, authore Ptolemæo, si codex non fallit. Nam authore Eratosthene, quem ferè sequuntur Geographi, collatio singulorum graduū, est septingentorum stadiorum. Neq; uerisimile est, ducentorum stadiorū differētiā in singulis accidisse gradibus. Id etiam supra adnotauimus, cum de latitudine terræ diceremus. Quapropter multiplica cœli gradus, qui sunt, 360. in quingenta stadia, subito emergent, maximi cuiusq; circuli stadia. 180000. quæ si per octo diuidantur, prouenient milliaria italica. 22500. In parallelis autem discrimen est. nam quanto æquinoctiali propinquiores sunt, tanto maiores arcus habent, ac proinde maiorem collationem in gradibus. Contra uero, quanto polo propinquiores, tanto minores arcus habent, & proinde minorem collationem in gradibus. Hæc in tabulis Ptolemæi ferè marginibus apponitur.

DE VENTIS.

CAPVT. XVI.

Ventus est exhalatio calida & sicca, lateraliter circa terram mota. Causa efficiens uenti est Sol & astra. Materia uero exhalatio, quæ dum in sublime, partim astrorum ui, partim natura tollitur, obstaculum inuenit mediam regionem aeris frigidam, & ab se pel- lentem calidum. Ideoq; retruditur exhalatio, meatq; in obliquū circa terram. Vbi notandum, aërem secundum qualitatem, diuidi in tres regiones: Infimā, quæ proxime circa nos est, plærūq; temperatam: Mez-

F 3 diam frigie

HEN. GLAREANI

nam frigidam, quam attingunt celsissimi montes. Tertiam ^{upremam} calidam, proximamq; sphaerae ignis. In hac postrema generantur dracones uolitantes, stellae cadentes, & similes impressiones, ut uocant Phisici. Quod uero ad loca uentorum attinet, notandum in quouis horizon-

SEPTENTRIO.

le quatero



de quaternas uentrorum regiones principales intelligi posse, quibus utrinque binas adpingere oportet. Erunt itaque tres ab ortu uenti, tres ab occasu, totidem & à septentrione, & à meridie: quæ denotat hic depicta figura. Socios quidem uentos ab tropicis utrinque imaginamur, sicut ab Arcticis ex utraque parte. Poeta uero quatuor duntaxat uentos principales nominarunt: ab ortu Eurum, ab occasu Zephyrum, ab septentrione Boream, & ab meridie Austrum. De hac re sunt hæc Manilij duo carmina.

Affer ab axe ruit Boreas, fugit Eurum ab ortu.

Auster amat medium solem, Zephyrusq; cadentem.

Eandem rem Naso lib. 1. Metamor. describens, quanquam magis explicato sermone, atq; adeo splendidioribus figuris depinxit.

Eurus ad Auroram, Nabathæaq; regna recessit,

Persidaq; & radijs iuga subdita matutinis.

Vesper & occiduo quæ littora sole tepefcunt,

Proxima sunt Zephyro. Scythiam, septemq; triones

Horriser inuasit Boreas. Contraria tellus

Nubibus assiduis pluuiq; madescit ab Austro.

Venti etiam diuersarum sunt conditionū, sanissimi Boreas, & Subsolanus: pestiferi Auster & Chorus: tonitruosi præ cunctis quidem Boreas, quanq; etiam Circius & Chorus: hi etiam fulminosi sunt. Zephyrus pruinas soluit & si igus. Contrarij uenti putandi sunt secundū diastemum horizontis, quemadmodum Zephyrus Subsolano, & Septentrio Austro, ut præcedens figura facile indicat. Nomina etiam uentis imponuntur sepe à contraposis terris, quemadmodum Græci Cæciam dixerunt Hellepontium, quod ab Helleponto in Græciā deferretur. Et Horatius Chorū uocat Iapyga, quemadmodū etiā Ptolemæus, q; ab Iapygio Italiæ promontorio euntibus in Aegyptum flet, ut in Ode. 3. Sic te diua potens Cypri. Eadē ratione Latini Circium uocauere Gallicū, q; à Gallia ferretur. Porro multi docuerūt ut omni tpe sciatur unde quis uetus flet: quemadmo-

HEN. CLAREANI

quemadmodum Vitruuius lib. 1. negotium non ita magnum, si figuram istam, quam pinximus, in planum ponas, atq; in eius medio stilum erigas, à quo dependeat linum, aut quippiam aliud, quod uento agitari queat. Id unum tamen cura, ut dimetiens illa, cui inscripti sunt Notus & septentrio, lineam meridianam præsnet, quod horoscopo facile inuenitur.

QVA RATIONE PTOLEMAEVS AC
eius sequaces pinxerint orbem. CAP. XVII.

CVM uellet Ptolemæus longitudinis terræ etiam ponere aliquod immobile principium, Alexandriam patriam suam elegit, ad quam omnes omnium ciuitatum differentias in horis referret, uidelicet quantum aliæ ad ortum, quantum aliæ ad occasum tenderent. Constituit itaq; ad occasum Meridianum, qui per polos transiens, altera dimidiata parte ad orientem usq; protenditur, totamq; habitabilis terræ longitudinem claudit. Quæ ut ipse inuenit, ex duobus quadrantibus constat, gradibus autē bis nonaginta, id est. 180. Verum nostra ætate alteri quoq; duo quadrantes magna ex parte lustrati sunt. Sed notandum omne rotundum dimidiata duntaxat uideri parte. Vt igitur tota habitabilis sub unum aspectum ueniret, qui nostra ætate habitati orbis typum pinxerunt, globi superficiem aperuerunt, uelut chlamyde magis pansa. Videmus autem globum circulis circumdatum, ac primis quidem duobus principalibus meridianis, qui in polo ad angulos rectos, quemadmodum Coluri in sphaera, sese interfecant, ac totam superficiem in quaternos quadrantes diuidunt. Alteris uero parallelis. Ptolemæus igitur duos nobis quadrantes exhibuit ab occidente in orientem. Alteros duos nostri utrinq; marginibus adiecerunt. Porro omnes lineæ, quæ à polo in mappa descendunt, uocantur Meridiani: quæ uero ab ortu in occasum, Paralleli dicuntur, eo quod nullo in loco conueniant. Cuius omnium frequenter sit gradibus denis, quanquā & quinis fieri potest.

Depictura

DE PICTURA GLOBI
CAPVT XVIII.

Terram in globum pingere uulgato hoc modo possumus. Primū sanē inquirendi sunt poli, & hoc uel motu, uel circino. Circinatio autem potissimum ex quadrantibus constat. Deinde inuestigandus est equator, quem eodem pacto, quo polus, inuestigare possumus, ita ut ab utroq; polo omnibus partibus æquatissime distet. Meridianos autem faciemus omnes, in polo cōeuntis, & in equatore maxime distantes. discernuntur autem frequenter in mappulis denis gradibus, nonnunquam etiam quinis, ut iam dictum est. Eorum centrum est in æquatoris peripheria inquirendum. Et paralleli quidem totidem gradibus discernuntur, quorum centrum est polus. Deinde ponamus alicubi numerum graduum longitudinis terræ. Is autem ad occidentem post Hispanias incipit, ut constituit Ptolemæus. Porro eum numerum pingere cōuenit ad incognita terræ. Sic enim nusquam impedimento erit. Latitudinis gradus etiam ad occidentem pingi possunt. Et in pingendis terris utile etiā fuerit ab ipsa mox Hispania incipere. Ducendi sunt aut primū termini littorum triū partiū continentis, Europa, Africa, atq; Asia. Postea uero et fluij, et mōtes maiores pingendi, quantū spatij iniquitate nō excludimur. Insulæ quoq; & maris sinus, & si qua alia adijci possunt, aut ex mappulis, aut ex tabulis facile haberi possunt.

DE INDUCENDA PAPYRO IN
GLOBVM. CAP. XIX.

Habito quadrante cuiusq; maximi circuli in globo, diuide eum in parteis treis, ut consuetudo est cōmunis signa pingentiū: deinde accipe papyrum, quam in planum immobilem ponito, duc in eā quā longissimā lineam, in qua ut minimum 30. discriminato parteis quales in quadrante globi ternas inuenisti. Secta aut sic tota linea huiusmodi partibus, ponito circini pedem ad extremum marginem, & al-


G terum

terum extende pedem in undecimū punctum, ita ut dena
trāsmittas spacia, duc subinde arcus circularū, hemiciclijs
minores, ex puncto in punctū, deinceps mouendo pedem
circini. Porro in alterum marginem conuerso circino, con
uersos duc arcus, ac .12. sectis partibus, habes papyrū, quā
globo inducas. Sunt autem uelut .12. Zodiaci signa, sed in
aequatore facta, quanquam in his error bifariam accidere
potest, & quod globi raro uere rotundi ab artificibus pa
rantur, & quod circinus etiam facile cedit. Verum haec à
mediocriter exercitato facile corrigi possunt.

Sit linea a b, in triginta aequas diuisa partes, quales sin
guli quadrantes æquinoctialis ternas habet. Ponito circi
ni pedem alterū in b, alterum extende in o, sic enim dena
transmittes spacia, duc arcum q r. Deinde ex b promoue
circinum uno puncto. ita enim alter pes in n ueniet. Tum
rursus duc arcum, atq; ita deinceps, donec in c deuentum
fuerit. Deinde in marginem alterum transfer circinum,
ita ut in a posito uno pede, in d alterū extendas, atq; illic
duc arcum s t, & emerget duodecima pars superficiei quā
quaerimus c s d t. Deinde ex a promoue uno puncto circi
num ut antea in altero margine fecimus, ita enim in e pes
alter ueniet, ac deinceps promoue donec ad p deuenieris,
ac habebis duodecim partes papyri, quā globo apte circū
ponere poteris, quanquam superne propter sphaerae coar
ctationem nonnihil superabit. Sed id corrigere haud ma
gno negotio quis exercitatus poterit.

DE NOMINIBVS GEO
GRAPHORVM.
CAP. XX.

Dimidius,



Quadruplicia sunt nomina Geographorum. Prima maris, maritimorumq; locorum. Sunt autem hæc: Mare, Oceanus, Sinus, Fretum, æstus, Euripus, Bosporus, portus, littus, agger, ora, Chersonesus, id est, peninsula, Isthmos, insula, promontorium. Altera nomina generalia partium terre sunt hæc: Continens, terra, territorium, regio, regnum, prouincia, Gentiles, populus, plebs, urbs, Ciuitas, Oppidum, Emporium, Castellum, Vicus, Pagus, Villa, Casa, Tugurium. Tertia nomina agrorum sunt hæc: Mons, Vallis, Collis, Cliuus, Rupes, Vertex, Iugum, Cacumen, Conuallis, Fauces, Campus, Ager, Aruum, Pratum, Pascua, Sylua, Lucus, Nemus, Saltus, Virgulta, Spinetum, & similia. Quarta nomina generalia fluuiorum, stagnorum, & cæterorum aquosorum locorum, sunt hæc: Fons, Riuus, Fluuius siue flumen, Torrens, Fluentum, Gurges, Amnis, Fluctus, Vnda, Ripa, Ostium, Alueus, Vadum, Lacus, Stagnum, Palus, Lacuna, Cisterna, Piscina, Thermae. Hæc apud Ioannem Cocleum Noricum amicum nostrum, diffuse ac eleganter descripta, paucis attigimus, ne in alieno opere ingeniosi esse uideremur.

DE DIVISIONE TERRÆ CAP. XXI.

Quoties fit mentio de diuisione terre habitabilis, intelligitur hæc sectio de superficie terre supra aquam extante, quam homines & reliqua animantia inhabitant. Eius tres sunt partes: Europa, Africa & Asia. Minima est Europa, in qua nos sumus. Caput eius Roma. Media est Africa, in qua Carthago, pertinax Romani imperij æmula. Maxima autem est Asia, cuius caput quondam Troia. Porro hæc tres partes uocantur Continens. Nam insula dicitur undiq; circumdata mari. Nec alicubi harum adhærēs cōtinuata terra. Europa diuiditur ab Asia mari Aegeo, Propontide, Ponto Euxino, Meotide palude, Tanais fluuiio, & hinc linea, quæ recta à fontibus Tanais ad septentrionē porrigitur. Inter mare Aegeū & Propontidem est Hellespontus, per quem olim tranauit Leander ab Abydo ad Æstum, urbes littorales, illā Asiæ.

G 2 hanc Europæ.

HEN. GLAREANI

hanc Europæ. Inter Pontum Euxinum & Propontidem est Bosporus Thracius. Inter Mæcetim & Pontū Euxinum, Bosporus Cimmericus, ab oppido Cimmerico Thauricæ Chersonesi, quod ipsum tamen à Cimbris nomen habet, authore Strabone lib. 7. Eadem Europa ab Africa diuiditur, primum freto Herculeo, deinde mari mediterraneo, quod etiam nostrum mare omnes scriptores uocant. Accipit autem appellationem hoc mare ab uarijs, quas alluit, gentibus. Nā ubi Iberiam, id est, Hispaniam attingit, uocatur Ibericum. Vbi Baleares insulas, Balearicum. Vbi Galliam, Gallicum: post Ligusticum, ab Liguribus populis: & Torrhenum, & Tuscum, & Hetruscum, & Inferum. Item Hadriaticum, siue Venetum, siue Superum: Ionium deinde, & Siculum à Sicilia, & Sardoum à Sardinia, & Africum ab Africa. Ita Libycum, Aegyptiacum, Syriacum, Pamphylicum &c. Africa uero diuiditur ab Asia mari Indico, mariq; rubro, qui & sinus Arabicus dicitur. Deinde linea quæ ab Heroanæ ciuitate per Isthmum, quo Asia & Africa connectuntur, ad nostrum mare uergit, quamuis plerique authores ponant terminos. Asiæ & Africæ Nilum, quos recte reprehendit Ptolemæus lib. 2. cap. 1. Ait enim commodius esse, quoties fieri potest, mari, quam flumine continentem diuidere. Præterea ne Aegyptus scindatur, ac distrahatur, si Nilus statuatur terminus.

EVROPA.

DE EVROPA ET PARTIBVS
cuius maioribus. CAP. XXII.

AB Europæ descriptione omnes authores inceperunt, tanquam ab ea quæ esset notior ac magis culta. Deniq; maxime celebrata, cum ab Macedonum imperium, tum ob Romanorum potentiam Strabo etiam libro. 2. multas præterea rationes adfert. Hanc Ptolemæus.

maus libris duobus uidelicet secundo & tertio, descripsit, in utroq; regionibus denas septenas enumerans. Ita ut in uniuersum regiones Europe sint. 34. tabula uero decem. Sunt autem regiones hoc ordine, Hybernia insula Britannica, Albion similiter insula Britannica, Hispania Bethyca, Hispania Lusitania, Hispania Taraconensis, Gallia Aquitanica, Gallia Lugdunensis, Gallia Belgica, Gallia Narbonensis, Germania magna, Rhetia, Vindelicia, Noricum, Pannonia superior, Pannonia inferior, Illyris & Dalmatia. Haecenus ex libro secundo apud Ptolemaeu, sequente uero libro rursus. 17. haec: Italia, Cyrenus, Sardinia, Sicilia, Sarmatia in Europa, Thaurica Chersonesus, Iazyges Metanastes, Dacia, Mysia superior, Mysia inferior, Thracia, Chersonesus, Macedonia, Epyrus, Achaia, Peloponnesus, & Creta insula.

DE REGIONIBVS QVAE LIBRIS SECUNDO ac tertio apud Ptolemaeu continentur.

Et primum de Insulis Britannicis.

CAP. XXIII.

CVM autem in describendo orbe, ingenium ac industriam Ptolemaei nemo uicerit, operae precium uisum est nobis illuc iuuentute uelut ad fontem, & perfectum huius negocij artificem dirigere. Perstrinximus itaq; regionu generales fines ad illius praescriptionem, pauca adijcentes rerum uel priscaru, uel nostrae aetatis: insigniuq; locoru quaedam noia, ut uidelicet tedium iuuentutis alleuaremus. Porro nec in artificio solum eximius Ptolemaeus, sed in ordine quoq; admirabilis, ita regiones deinceps texuit, ut a sinistris ad dextera, hoc est, ab occasu ad ortu: deinde a magis septentrionalibus ad australia pergeret. Ideoq; ab Hybernia insula maxime septentrionali atq; occidentali incipit.

Hybernia itaq; insula a Septentrione Hyperboreo alluitur occasu, ab occasu occidentali, a meridie Vergiuo, ab ortu Hybernico. Hoc dicitur Irlandt. Paret autem Anglorum regi. Homines sunt agrestes.

G 3 stes

I.
Prima Europa
tabula.

HEN. GLAREANI

Res. In ea fabulantur esse D. Patricij purgatorium. De hac miranda scribit Pomponius Mela.

*Erratum: aut qui
iam hodie uiderant*

Albion à septentrione habet Oceanum Deucalidonium, ab occasu Hybernicum & Vergiuum, à meridie Britannicum, ab ortu Germanicum. In ea neque montes sunt, neq; paludes, authore Ptolemæo. Hodie in duo regna diuisa est insula, Anglia, & Scotia: quibus populis nō admodum conuenit. Insula triquetra est apud Cæsarem & Strabonem. De ea copiose tractat Cæsar libro. 5. de bello Gallico. Insule adiacent his Orchades tringinta numero, & Thyle septentrionis ultima apud ueteres.

DE HISPANIA, CAP. XXIIII.

*Secunda Europa
tabula.*

Continētis prima portio ad occasum, est Hispania, quæ à Septentrione Cantabrico, ab occasu occiduo clauditur Oceano, à meridie fretum Herculeo, & mari nostro, ab ortu Pyrenæis montibus, qui Galliam ac Hispaniam determinant. Strabo lib. 3. corio bubulo adsimilat. Hæc treis in partibus à Ptolemæo diuiditur, in Beticam, Lusitaniam, & Taraconensem.

Betica à Beti fluuiō denominata, fines habet à septentrione Lusitaniam, diuisam ab ea fluuiō Ana: ab occasu oceanum occiduum, à meridie fretum Herculeum & mare nostrum, ab ortu lineam, quæ à Balearea ciuitate ad Anam ducitur. Hæc regio hodie regnum Granatæ dicitur.

Lusitania à septentrione habet Taraconensem Hispaniam, diuisam ab ea flumine Durio, ab occasu Oceanum occiduum, à meridie Anam flumen, ab ortu lineam ab Ana ad Durium ductam. Hanc regionem aliquanto maiorem facit Strabo, Et nostra quoque ætas. Protugallia enim uocatur, regnum nobile, cuius solertia factum est, ut ab Hispania in Indiam hodie nauigetur. Ciuitas regia in ea est Vlyssbona, quam Plinius Olyssipponem uocat.

Taraconensis Hispania plus quàm dupla ad priores, à septentrione
oceanum

oceanum Catabricum, ab occasu occiduū habet, Lusitaniā, Baticamq; à Meridie mare Ibericum, siue nostrum, ab ortu Pyreneos montes ac Galliam. Hanc secut amnis Iberus, à quo olim Romani Hispaniam citiorem ac ulteriorem diuiserunt. Hæc natio hodie quatuor habet regna, Castelle, Gallicie, Nauarre, ac Tarracenie, ab inclita Scipionum ciuitate. Præclarissimi in Hispania populi Celtiberi, ac eorū urbs Numantia, quæ Romanis decem annis restitit, tandem à Scipione inferiore expugnata. Item Sagunthum oppidum insigni clade sub Hannibale clarū, & Carthago noua à Scipione superiore expugnata. Porro Hispania Romanis obstitit plus ducentis annis, sub Augusto primum perdomita. Insule duæ adiacent Hispaniæ Baleares, maior & minor, quæ hodie etiā inde Maiorica ac Minorica uocantur. Et Gadis in extremo oceano Herculis sacra. Item Herculis colūna in Betica, Calpæ.

DE GALLIA. CAP. XXV.

SEquitur Gallia post Pyreneos montes, inter Hispaniam Germaniamq; & duo maria, Oceanum & mare nostrum sita. Quam C. Tertia Europa
tabula. Cesar, & ueteres omnes in partes tres diuiserunt, Aquitaniam, Celticam (quæ propriè Gallia) & Belgicam. Aquitania à Celtis diuiditur Garumna flumine. Celte à Belgis flumine Sequana, Deniq; Belgæ à Germanis flumine Rheno. Hic enim est antiquus limes Gallorū & Germanorum apud omnes authores. Atq; hæc diuisio fuit antiqua. Augustus aut Cesar Aquitanis adiecit quicquid inter Garumnā & Ligerim amnes est populorū. Tum reliquos Celtas, in Galliam Lugdunensem & Narbonensem diuisit, adiecta Narbonensi prouincia ueteres, quam antea Romani tenuerant, quæq; hodie adhuc nomen tenet. Hanc diuisionē posteriores secuti sunt Geographi, præcipue uero Ptolemæus. Eam nos quoque nunc prosequemur.

Aquitania igitur habet ab occasu oceanum Aquitanicum, à septentrione & ortu Lugdunensem Galliam, flumine Ligeri discretam, à meridie par-

HEN. GLAREANI

vidie partim Pyrenæos montes, partim Narbonensem Galliam.

Lugdunensis à septentrione oceanum Britannicum spectat, ab occasu partim oceanum, partim Aquitaniam iuxta dictos limites. Ab ortu Belgicam, diuisam ab ea flumine Sequana, à meridie Narbonensem Galliam.

Deniq; Belgica à septentrione Britannicum habet oceanum, ab occasu Lugdunensem, ab ortu Germaniam magnam, diuisam ab ea flumine Rheno, à meridie Narbonensem Galliam.

Postremo Narbonensis Gallia, à septentrione Lugdunensi ac Belgica concluditur, ab occasu Pyrenæis montibus ac Aquitania, ab ortu alpihus, à meridie mari Gallico. Hic lectorem admonere uolumus, in descriptione Gallie, quod ad loca attinet, plus tribuendum C. Cesari, quam Ptolemeo. Quippe Caesar regionem peragrauit ac uidit. Fuit enim diligentissimus in locis describendis Caesar. Porro Ptolemæus id non egit ut omnia priuata loca ad amussim pingeret, sed ut regionum in genere ueram phantasiā ac formam oculis subiiceret. Sequantigitur, Rauraci, Heluetij, Leuci, & Lingones, uiciniq; populi, nequaquā Belgis sunt adscribendi, sed Celtis: etiamsi aliter tradidit Ptolemæus. Item Dubis, quem Caesar Aldua, dubim uocat, Arar, & Rhodanus, non ex eisdem montibus originem ducunt. Nec Auenticū, aut ciuitas Equestris, Sequanorum ciuitates sunt, etiamsi ita exhibuit nobis Ptolemæus: sed Heluetiorum, ut de Auentico Cornelius Tacitus lib. 17. docet. Hoc idem de ciuitate Equestri satis patet ex situ Heluetiorum, à Cesare descripto. Gallorum omnium fortissimi (ait Caesar) Belgæ, maxime famæ Celtæ. Caesar totam Galliam decennio subegit, ait Strabo. Flumina Gallia habet opportunissima in utraq; maria, & nostrum & oceanum. Eam Franci, origine Germani, magna ex parte occupauere, præter Belgicæ maritimam oram, & eam qua Rhenum attingit: præterq; Lothoringos, & Heluetios, qui hodie Sabaudienſes dicuntur. Urbes habent principalem Lutetiam, olim Parisiorum oppidum, & Lugdunum

Lugdunum nobile emporiū. Belgæ hodie in Picardos, Flandros, Brabantes, Hollandosq; diuisi sunt, & quosdam alios non ignobiles populos. Aquitani Gasconie hodie nomē retinent. Celtæ aut innumera nomina. Ex his multi sunt, qui Francis parent, sunt item qui non parent.

DE GERMANIA. CA. XXVI.

Germania magna ab occasu Rhenum habet Galliasq; à septentrione Oceanum germanicum, à meridie flumen Danubium, Quarta Europa
per tabula. regiones uero Rhetiam, Vindelitiam, Noricum, Pannonias duas, superiorem & inferiorem. Ab ortu Vistulam flumen, & Carpathum montem. In hac tam uasta ac magna natione, ex antiqua appellatione quatuor duntaxat populorū nomina mansere, Saxonum, Phrisiorum, Marcomannorum, & Sueuorum. Et Sueui quidem quondam ad Albim fluuium habitabant, patentissima regione, ut patet apud omnes authores. Ceterum Strabo etiam Sueuorum ad ortū Danubij meminit lib. 4. ad finem, ubi hodie quoque manet nomen. Marcomanni autem hodie uulgo Merrhenlandi dicuntur. Germanie maximus fluuius est Albis, ultra quem Romani non habuerunt imperiū, ait Strabo lib. 7. Maxima sylua in ea Hercinia est, de qua Cæsar lib. 6. elegantissime differit: & quæ hodie nigra sylua dicitur, eiusdē caput est. Bacenis aut sylua longe alia est, uidelicet nō longe ab Albi fluuiio in Sueuis. Multi hodie picariam uolunt quæ in Turyngis est. Tota hodie natio in multa regna & regulos diuisa est, non magno suo cōmodo. Vtitur aut ferme uetere lingua Germania, exceptis Bohemis, ac parte Poloniae. Vrbes quoq; in ea præclarissimæ, ut urbs Norica in umbilico propè Germania, Erptphordia in Turyngis, Praga in Bohemis, Vratislauia in Silesijs, Lubecum in Cimbricæ Chersonesi isthmo, & reliquæ infinite.

DE RHAETIA, VINDELITIA, NORICO,
Pannonijs duabus, Illyri, & Dalmatia. CA. XXVII.

Rhetia ab occasu Heluetijs, à septentrione Danubio & Germania, ab ortu Lyco flumine & Vindelicia, à meridie alpihus terminatur Quinta Europa
per tabula.

HEN. GLAREANI

minatur. Hæc natio non prorsus ita habet apud Strabonem, qui eam ad Comum usq; extendit. Hi origine Thusci sunt, ut autor est Liuius libro quinto ab urbe condita. Et lingua Thusca etiamnum apud Rhetos manet, quanquam non incorrupta, ut idem ait Liuius. Ipsi in tria fœdera scissi sunt, licet non eo omnino tractu, quem pingit Ptolemæus.

Vindelitia ab occasu Lyco & Rhetia, à septentrione Danubio & Germania, ab ortu Aeno & Norico, à meridie item alpibus clauditur. In ea præclarissima urbs Augusta Vindelicorum ad Lycum amnem.

Noricum ab occasu Aenum flumen & Vindeliciam, à septentrione Danubium & Germaniam, ab ortu Pannoniam superiorem, à meridie alpes habet. Hæ duæ nationes nunc nomen Bauariæ habent.

Pannonia superior ab occasu Noricum, à septentrione Germaniâ & Danubium, ab ortu Pannoniam inferiorem, à meridie Illyrim habet. Hodie Austria & Stiria. Porro in ea præclarissima urbs Vienna.

Pannonia inferior à septentrione Germaniam & Danubiû, ab occasu Pannoniam superiorem, à meridie Liburniâ siue Illyrim, & ab ortu Iazygas Metanastas habet. Hæc hodie sub Vngaris propemodum est.

Illyris, quæ eadem Liburnia (nam authores hæc duo nomina fere cōfundunt) Item Dalmatia (quæ magis ad ortum ac meridiem à Ptolemæo non singulatim descripta, quanquam regionem singularem puto) à septentrione habent utranq; Pannoniam, ab occasu Histriam, ab ortu superiorem Mysiam, à meridie Macedoniam ac mare Hadriaticum. Totæ hæc Natio Sclauonia hodie uocatur, uulgo Wendenland.

DE ITALIA, CORSICA, SARDINIA, & SICILIA, CAP. XXVIII.

Sexta Europæ
tabula.

HAftenus quæ libro II. apud Ptolemæum sunt regiones, nunc quæ libro III. Italia peninsula ab occasu Alpium iugis terminatur, ad Varû usq; flumen, & Tyrrheno pelago, quod etiâ mare Tu, cû & inferû dicitur, à septentrione alteris alpium iugis, quæ Rhetia, atque alijs sequentibus

sequentibus nationibus imminet, ab ortu Hadriatico mari, quod nunc Venetum uocant, olim à Romanis Superum uocabatur, deniq; à meridie mari Siculo. Hæc omnium regionum præclarissima. Caput habet Rhomam, olim gentium dominam, & Tyberim amnem. Vrbes præterea præclarissimas, Insubrium Mediolanum, Venetorum Veronam, & urbem nouam, quæ nunc Italiæ clarissima est, Ligurū Genuam, Tuscorum Florentiam, Campanorum Capuam, nec longe ab ea liberam quondam Neapolim. Per mediam Italiam mons Apenninus tendit, perinde atq; spina per tergum hominis. Est in Italia togata Gallia iuxta Padum ingens flumen, ad Rubiconem usq; amnem, ubi uera Italia incipit. Hæc olim Gallia Cisalpina uocabatur, cum altera Gallia, uidelicet nostra, Transalpina, Comata, ac Bracata diceretur. Italiæ forma tibiæ demortui hominis adsimilis est.

Cyrenos, quæ & Corsica insula, ab occasu & septentrione mari Ligustico, ab ortu Hetrusco clauditur, à meridie mari, quod inter ipsam ac Sardiniam iacet. Hæc insula est nunc sub Genuensium dominio. Laudatur hodie ex ea uinum.

Sardinia ab ortu habet Tyrrhenū pelagus, à meridie Africū, ab occasu & septentrione Sardoum. Hæc insula plantæ humani pedis adsimilis est.

Sicilia insula triquetra, ab occasu & septentrione mari Tyrrheno clauditur, à meridie Afro, ab oriente Hadriatico siue Ionio. Tria habet promontoria, unum & Trinacris à Græcis dicta, quorū Pelorus septentrionem ac Italiam spectat, Pachynus ortū, Lilybæū meridiem & occasum. Ex Lilybæo qdam naues à Carthaginensiu portu egredientes uidere poterat, ut refert Valer. Max lib. 1. non ita longe à fine. Itaq; qdam putat Siciliā plus æquore motā ab Africa in Ptolemæi descriptione. Strabo tamen lib. 17. ait Carthaginē distare à Lilybæo spacio milliū stadiorū ac quingentorum ferè, quæ cum Ptolemæi nō omnino discrepat pictura. In hac insula mons Aetna incendio memorabilis, Syracusæ urbs, ac Messina. Sardinia ac Sicilia hodie sub ditione Hispanorum esse dicuntur.

Septima Europe
tabula.

DE SARMATIA EUROPAE, TAURICA

Chersoneso, Iazygibus Metanastis, Dacia, duabus

Mysijs, & Thracia. CA. XXIX.

Octava Europa
tabula.

Sarmatia Europæ terminatur à septentrione oceano Sarmatico, ab occasu Vistula fluuio & Germania, à meridie Iazygibus Metanastis, Dacia ac Mysia inferiore, ab ortu Sarmatia Asiatica, fluuio Tanai, Maotideq; palude. Hæc regio nostra ætate in multas regiones diuisa est, Poloniam, Rhusiam, Prussiam, Lituanicam, Liunioni Moscouiam, Podoliam, Albam Rhusiam. Sarmatiæ maior pars, neq; parua Germaniæ portio hodie sub uictoriosissimo principe SIGISMUNDO rege Poloniæ degit. Est in hac Borysthenes satis celebre flumen.

Nona Europa
pæ tabula.

Taurica Chersonesus Maotide palude, Cimmerio Bosporo, ac mari Euxino penè circumdatur. Hodie minor Tartaria à quibusdam.

Iazyges Metanastæ terminos habent à Septentrione Sarmatiam Europæ, ab occasu & austro Germaniam & Pannoniam inferiorem, ab oriente Daciam, hodie Septem castra dicuntur, uulgo Sibenburg.

Dacia terminatur à septentrione Sarmatia Europæ, ab occasu Iazygibus Metanastis, à meridie Mysia superiore & Danubio, ab ortu Mysia inferiore & Danubio. Hanc hodie Transyluaniam uocant. Est aut longe alia ab ea, quam non recte hodie Daciam uocant, cum sit Dania appellanda, uulgo Dānmārck, ad Cimbricam Chersonesum.

Mysia superior à septentrione habet Daciam, ab occidente Dalmatiam, à meridie Macedoniam, ab ortu Thraciam. In ea est Dardania. Hæc hodie Seruia dicitur.

Mysia inferior ab occasu habet Daciam, à septentrione Sarmatiam in Europæ, ab ortu pontum Euxinum, à meridie Thraciam & Aemum montem. Hic Danubius sex hostijs in pontum Euxinum effunditur. Hodie Valachia & Bulgaria.

Thracia à septentrione habet inferiorem Mysiam, ab occasu superiorem.

riorem, à meridie mare Aegæum, ab ortu Bosporum Thracium, ac Pontidem. In hac Constantinopolis est, olim Bizantium.

Ad Thraciam & Hellespontum est proprie Chersonesus, ubi urbs Sestus, amore Herus & Leandri clara.

DE MACEDONIA, EPEIRO, ACHAIA, EUBŒIA, Peloponneso, & Creta insula. CAP. XXX.

Macedonia limites habet à septentrione Dalmatiam, Mysiam superiorem & Thraciam; ab occasu Ionium pelagus siue Hadriaticū, à meridie Epeirū atq; Achaiam, ob ortu Aegæū pelagus. Eadem natio rebus gestis, & regū nobilitate, præclarissima, præcipue uero Alexandri Magni. In ea urbes quoq; præclarissimæ, Thessalonica, Philippi, Demetrias. Montes: Athos, Olympus, Ossa, Pelios, & Othrys. Fluvij: Sperchius, Peneus, Axius & Strymon. Ptolemæus hanc latioremsæculi quam uetusta descriptio habet apud Liuium de bello Macedonico.

*Decima Europa
tabula*

Epeirus à septentrione terminatur Macedonia, ab occasu & meridie mari Ionio siue Hadriatico, ab ortu Achaia. Montes in ea Acrocorauna & Pindus à Thessalis imminens. Ciuitates, Oricum, Ambracia, & Actiū. Hæc natio à Romanis maxime uastata fuit, nobilis suo quondam Pyrrho rege. Insulam adiacentem habet Corcyram, olim Phæaciam dictam ut putant quidam, nobilem carmine Homeri, & Alcinoos rege, nunc Corfū nominant. Sunt & aliæ adiacentes insule, Ithaca Ulyssis patria, Cephaleniæ, & Echinades, ac Zacynthus.

Achaia ab occasu habet Epeirum, à Septentrione Macedoniam, ab ortu mare Aegæum, à meridie Hadriaticum, & Creticum pelagus. In hac sunt Athenæ disciplinarum altrix quondam, Delphi in Phocide oraculo Apollinis clari. Montes, Helicon, Parnassus, Cythæron, Hyzmettus. Fluvius, Alopeus. Regionem præclarissimam, Aetholia, in qua Calydon: Bœotia, in qua Thebæ: ac Phocis, in qua (ut diximus) Delphi. Item Saniū promontorium. Achaia Eubœia ingens adiacet insula,

H. 3. hodie

HEN. GLAREANI

Hodie Nigra pont. In ea Chalcis ciuitas clara morte Aristotelis. Ea est iuxta Euripum è regione Aulidis portus Bœotiae.

Peloponnesus limites habet à Septentrione Corinthiacum sinum, Isthmum, et Creticum pelagus. Ab occasu atq; meridie Hadriaticum pelagus, ab ortu Creticū mare. Hodie Morea dicitur. Hæc toto orbe peninsula maxime celebrata est, propter Mycenarum, Argiuorum, Lacedæmoniorum, Sicyoniorum, Eliensium, Arcadum, Pyliorum, & Messeniorum imperium. Multæ horum populorum præclarissimæ urbes, multi principes celebrati, immensæ res gestæ, montes quoq; ac fluuij celeberrimi. Ab occasu Strophadas insulas habet duas, ab Austro Cythera, ab ortu Salamina, & Aeginam maximæ fāmæ.

Creta insula ab occasu terminatur mari Hadriatico, à septentrione Cretenfi, à meridie Punico, ab oriente Carpathio. Hac quoq; insula nulla sub cælo magis celebrata, centum olim habebat oppida, ideoq; ab Homero ἑκατόμπολις dicta, hodie Candia. Item in Aegæo pelago insulae sunt multæ, quædam ab situ uocantur Cyclades, quæ circa Delum in circulo posite sunt. Reliquæ Sporades dicuntur, quod undiq; per mare dispersæ sint. De his omnibus Plin. lib. 4. cap. 12. copiosissime. Hæ omnes nationes, quas hoc capite enumerauimus, sub Turcarum imperio, sunt.

AFRICA.

DE APHRICA, ET EIVS PARTIBUS, ac primum de Mauritanijs duabus, Africa minore, ac Numidia. CAP. XXXI.

Sequitur deinde Aphrica, altera mundi pars, quam Ptolemæus lib. quarto tabulis quatuor descripsit. Habet autē regiones duodecim, Mauritanias, Tingitanam ac Cæsariensem, Numidiam nouam, Aphricam proprie, Cyrenen, Marmaricam, Libyam, Aegyptum inferiorem.

riorem, Thebaida, Libyam interiorem, Aethiopiam supra Aegyptum, Aethiopiam omnibus his australiorem.

Mauritania Tingitana ab occasu habet oceanum occidentalem, ad Septentrionem fretum Herculeum & Ibericum, usq; ad Maluæ fluuij ca tabula. hostia, ab ortu Mauritaniæ Casariensem, à meridie Getuliam & Libyam interiorem. In hac Ptolemæus duos Atlantes constituit, maiore & minorem. Est in ea Tingis Casarea, & columna Herculis Alyba.

Mauritania Casariensis ab occasu habet Tingitanam, à septentrione Sardoum pelagus usq; ad Ampsagum fluuium, ab ortu Africam, à meridie Libycos montes & Getuliam. In hac Siphacis quondam regia, & Masæsyliorum regnum, quod postea in Masanißæ manus uenit.

Aphricæ latus occidentale, terminatur Mauritania Casariensi, & Ampsaga fluuiio: septentrionale, pelago Aphricano: orientale, Cirene: meridionale, desertis interioris Libyæ. In hac Carthago est pertinax in perniciem usq; suam Romani imperij æmula. Est Utica, ubi posterior Cato se occidit. Est & Numidia prouincia, quam suis quibusdam, sed non ita proprijs terminis descripsit Ptolemæus. In ea Cirtha regia ciuitas maxima. Quanquam Ptolemæus eam Cirtesiorem faciat urbem. Multæ ante Aphricam insule sunt, & duæ Syrtes, maior & minor, impediti ac salebrofi sinus maris. Hæc tota cum duabus Mauritanijis natio, hodie Barbaria uocatur. Secunda Africa
ca tabula

DE CYRENAICA, AC RELIQVIS
nationibus Africa. C A. XXXII.

Cyrene ab occasu habet Syrtim magnam, ac Africam proprie, à Septentrione Libycū pelagus, ab ortu Marmaricam, à meridie deserta Libyæ interioris. Ciuitates insignes inter ceteras sunt Beronice, Arsinoë, Ptolemais, Apollonia ac Cyrene. unde & Pentapolis dicta. Tertia Africa
ca tabula

Marmaricā, Libyam, ac Aegyptū, Ptolemæus non adeo accurate distinxit, quanquā Marmaricā ad Cirenem ponit, deinde Libyam, postremo Aegyptum ad Asiam & sinū Arabicum. Hæ tres etiam nationes ad septentrionem

HEN. GLAREANI

Hodie Nigra pont. In ea Chalcis ciuitas clara morte Aristotelis. Ea est iuxta Euripum ē regione Aulidis portus Bœotia.

Peloponnesus limites habet à Septentrione Corinthiacum sinum, Isthmum, et Creticum pelagus. Ab occasu atq; meridie Hadriaticum pelagus, ab ortu Creticū mare. Hodie Morea dicitur. Hæc toto orbe peninsula maxime celebrata est, propter Mycenarum, Argiuorum, Lacedæmoniorum, Sicyoniorum, Eliensium, Arcadum, Pyliorum, & Messeniorum imperium. Multæ horum populorum præclarissimæ urbes, multi principes celebrati, immense res gestæ, montes quoq; ac fluuij celeberrimi. Ab occasu Strophadas insulas habet duas, ab Austro Cythæra, ab ortu Salamina, & Aeginam maxime famæ.

Creta insula ab occasu terminatur mari Hadriatico, à septentrione Cretensi, à meridie Punico, ab oriente Carpathio. Hac quoq; insula nulla sub cœlo magis celebrata, centum olim habebat oppida, ideoq; ab Homero ἐκατόμπολις dicta, hodie Candia. Item in Aegæo pelago insule sunt multæ, quædam ab situ uocantur Cyclades, quæ circa Delum in circulo posite sunt. Reliquæ Sporades dicuntur, quod undiq; per mare disperse sint. De his omnibus Plin. lib. 4. cap. 12. copiosissime. Hæ omnes nationes, quas hoc capite enumerauimus, sub Turcarum imperio, iunt.

AFRICA.

DE APHRICA, ET EIVS PARTIBUS, ac primum de Mauritanijs duabus, Africa minore, ac Numidia. CAP. XXXI.

Sequitur deinde Aphrica, altera mundi pars, quam Ptolemæus lib. quarto tabulis quatuor descripsit. Habet autē regiones duodecim, Mauritanias, Tingitanam ac Cæsariensem, Numidiam nouam, Aphricam proprie, Cyrenen, Marmaricam, Libyam, Aegyptum inferiorem.

riorem, Thebaida, Libyam interiorem, Aethiopiam supra Aegyptum, Aethiopiam omnibus his australiorem.

Mauritania Tingitana ab occasu habet oceanum occidentalem, ad Prima Africæ septentrionem fretum Herculeum & ibericum, usq; ad Maluæ fluuij ca tabula. hostia, ab ortu Mauritaniæ Casariensem, à meridie Getuliam & Libyam interiorem. In hac Ptolemæus duos Atlantes constituit, maiorem & minorem. Est in ea Tingis Casarea, & columna Herculis Alyba.

Mauritania Casariensis ab occasu habet Tingitanam, à septentrione Sardoum pelagus usq; ad Ampsagum fluuium, ab ortu Africam, à meridie Libycos montes & Getuliam. In hac Siphacis quondam regia, & Masæsyliorum regnum, quod postea in Masanißæ manus uenit.

Aphricæ latus occidentale, terminatur Mauritania Casariensi, & Ampsaga fluuiio: septentrionale, pelago Aphricano: orientale, Cirene: meridionale, desertis interioris Libyæ. In hac Carthago est pertinax in perniciem usq; suam Romani imperij æmula. Est Utica, ubi posterior Cato se occidit. Est & Numidia prouincia, quam suis quibusdam, sed non ita proprijs terminis descripsit Ptolemæus. In ea Cirtha regia ciuitas maxima. Quanquam Ptolemæus eam Cirtesiorum faciat urbem. Multæ ante Aphricam insulæ sunt, & duæ Syrtes, maior & minor, impediti ac salebrofi sinus maris. Hæc tota cum duabus Mauritanijis natio, hodie Barbaria uocatur. Secunda Africæ tabula

DE CYRENAICA, AC RELIQVIS
nationibus Africæ. C A. XXXII.

Cyrene ab occasu habet Syrtim magnam, ac Africam propriam, à septentrione Libycū pelagus, ab ortu Marmaricam, à meridie deserta Libyæ interioris. Ciuitates insignes inter ceteras sunt Beronice, Arsinoë, Ptolemæis, Apollonia ac Cyrene. unde & Pentapolis dicta. Tertia Africæ tabula

Marmaricā, Libyam, ac Aegyptū, Ptolemæus non adeo accurate distinxit, quanquā Marmaricā ad Cirenem ponit, deinde Libyam, postremo Aegyptum ad Asiam & sinū Arabicum. Hæ tres etiam nationes ad septentrionem

Septentrionem habent Aegyptiacum pelagus, ad meridiem Aethiopiam supra Aegyptum. In Libya hac est Hammon oraculo Iouis clara ciuitas. In Aegypto inferiore Alexandria est metropolis, opus Alexandri Magni, & regum Ptolemaeorum regia, denique nostri Ptolemæi patria. Hec Aegyptus Nilo quotannis irrigatur, fluuiio totius orbis maximo, qui septem hostijs in nostrum mare exoneratur, ac Aegyptum inferiorem in literæ Δ formam ambit. Supra hanc Thebais regio est ad Nili ripas utrinque, ac undique propemodum montibus circumdata. In ea multæ ac præclarissimæ urbes, ut Thebæ centum portis, Homero celebrata: quæ etiam Σιδωνία, de qua Iuuenalis:

Rari quippe boni, numero sunt uix totidem quot
Thebarum portæ, uel diuitis hostia Nili.

Ad sectionem Nili, ubi Δ efficit, Babylon est: atque paulo infra Tanis, ubi filij Israël priorem captiuitatem, de qua in Exodo, passi sunt, ac Moyses duce per rubrum mare siue sinum Arabicum in desertum Arabiæ deduciti, postea in terram sanctam uenerunt.

Quarta Afri-
ca tabula.

Libya interior terminatur à septentrione duabus Mauritanijis, Africa atque Cyrene, ab ortu Aethiopia quæ supra Aegyptum est, ab occasu oceano occidentali, à meridie Aethiopia omnibus his australiore. Populi in hac celebres Garamantes, & Getuli, Aethiopia quæ supra Aegyptum est, terminos habet à septentrione Aegyptum, Marmaricam, & Libyam: ab occasu interiorem Libyam, à meridie exteriorem Aethiopiam, ab ortu Arabicum sinum siue mare rubrum. In hac Meroë insula est Nili, in qua diuus Matthæus prædicasse Euangelium dicitur, item Troglodytica natio & Aromata.

Aethiopia omnibus his australior, à septentrione habet Libyam Interiorem & Aethiopiam supra Aegyptum, ab occasu & meridie Ptolemæo incognitam terram, ab ortu sinum Barbaricum, quæ pars est oceani Indici meridionalis. In hac montes Lunæ sunt, ex quibus Nili paludes originem trahunt. Extremam Ptolemæo cognitum Præsum est promontorium. uerum nostra ætate tota hæc portio à Lusitanis inuenta est, ut postea exponemus.

ASIA

ASIA.

DE ASIA TERTIA PARTE MVNDI.
CAPVT. XXXIII.

A Siam magnam Ptolemæus tribus libris descripsit, quinto, sexto, & septimo: item, 12. tabulis. Prouincias eius facit. 48. quanquā in ultimo catalogo libri octauī apud eundem non usq; adeo clarum est, num Pontum ac Bithyniam duas faciat regiones, an Galatiā, ac Paphlagoniam: utraq; enim illic binæ, quæ in quinto singulæ, nec distinctæ. Idem de magna Phrygia & Syria Caua dubitamus. Sunt autem in quinto hæ nationes: Pontus ac Bithynia: quæ proprie Asia dicitur: Phrygia magna, Lycia, Galatia, Paphlagonia, Pamphylia, Cappadocia, Armenia minor, Cilicia, Sarmatia, Asiatica; Colchis Iberia, Albania, Armenia maior, Cyprus insula, Syria caua, Phoenice, Palestina Iudæa, Arabia petraea, Mesopotamia, Arabia deserta, Babylonia. In sexto hæ sunt nationes: Assyria, Susiana, Media, Persis, Parthia, Carmania deserta, Carmania altera, Arabia felix, Hircania, Margiana, Bactriana, Sogdiana, Saca, Scythia intra Imaum montem, Scythia extra Imaum montem, Serrica, Aria, Paropamisus, Irangiana, Arachosia & Gedrosia. In septimo libro sunt hæ: India intra Gangem fluuium, India extra Gangem, Sinarum regio, & Taprobane insula.

DE PONTO AC BITHYNIA, ASIA PROPRIE, Lycia, Galatia ac Paphlagonia, Pamphylia, Cappadocia, Armenia minore & Cilicia. CAP. XXXIIII.

Ponti ac Bithyniæ termini sunt ab occasu Thracius Bosporus & Propontidis pars, à septentrione pontus Euxinus, ab ortu Galatia, à meridie regio quæ proprie Asia. In ea sunt urbes præclaræ Chalcedon, Nicea ac Nicomedia. Prima Asia tabula.

I. Que pro-

HEN. GLAREANI

Quae proprie Asia dicitur, habet à septentrione Bithyniam, ab occasu Propontidem, Hellespontum, ac Aegeum pelagus, quod ijs in locis Icarium ac Mirtoum dicitur. à meridie Rhodiense pelagus, ab ortu Lyciam, Pamphyliam, ac Galatiā. Sed notandum regionē quae proprie Asia dicitur, apud Ptolemæum comprehendere Phrygiam magnam ac Cariam. Præterea esse in ea Mysias duas, maiorem ac minorem. Phrygias item duas, maiorem & minorem, & hanc quidem dici Troiadem, in qua Ilium ac Ida mons. Deniq; in ea esse Aeolida, Ioniam, ac Dorida regiones. Est autē hæc natio abunde apud omnes auctores celebrata urbibus præclarissimis. Præterea fluminibus ac mōtibus innumerosis. Carum etiam nomē in militia clarum est, Lydorum uero in diuitijs. Hæc hodie cum adiacentibus regionibus magna Turcia dicitur.

Lycia terminatur ab occasu & septentrione regione quae proprie Asia dicitur, ab ortu Pamphylia, à meridie mari proprio. In ea Xanthus flumen, ac Patara urbs.

Galatia limites habet ab occasu Bithyniam & partē Asiæ proprie, à meridie Pamphyliam, ab ortu Cappadociam, à septentrione pontum Euxinum. In hac Paphlagonia est ad pontum Euxinum. Item ciuitas Synope, & extrema Carambis, fluuius Halis, Lydij olim ac Medici imperij delictum. Galatæ à Celtis criundi sunt, quos Græci Galatas, Latini Gallos dixerunt. Galatarum linguam ait D. Hieronymus suo tempore fuisse similem Treuirorum. Ad hos D. Paulus scripsit.

Pamphylia terminatur ab occasu Lycia ac Asia, à septentrione Galatia, ab ortu Cilicia & Cappadocia, à meridie Paphlylico mari. In hac sunt Pergæ & Attalia ciuitates, quarū mētio est in Actis Apostolorū.

Cappadocia terminatur ab occasu Galatia, à meridie Cilicia, ab ortu Armenia minore, & superne etiam maiore, à septentrione pontus Euxino. In hac flumen est Termodon. Item ciuitates maritimæ duæ, Trapezus & Temiscyra. Item Amaseia Strabonis patria,

Armenia minor à septentrione & occasu habet Cappadociā, ab ortu

Arme-

Armeniā maiore, distinctā ab ea Euphrate flumine: à meridie Ciliciam.

Cilicia terminatur ab occasu Pamphylia, à septentrione Cappadocia & minore Armenia, ab ortu Ammano mōte, à meridie mari Iſico ſiue Cilicio. In hac fluuius Cydnus, qui Tharſum urbem præclariffimā per-
luit, D. Pauli patriam. Haftenus Chersonesi regiones enumeratae ſunt,
quam minorem Aſiam uocamus. Habet autem inſulas circumqua; ad-
iacentes. Et Troas qdem, Tenedon, & Leſbon: Lydia uero Chii: Ionia
autem Icarum, & Samum. Deniq; Caria Con, Doris Carpathum, Lycia
Rhodum, omni etate claram inſulam.

DE SARMATIA IN ASIA, COLCHIDE,
Iberia, Albania, & Armenia minore. CAP. XXV.

Sarmatia Aſiatica terminatur à septentrione terra incognita Ptole-
meo, ab occasu Sarmatia Europæ, Tanai fluuiio, Meotide palude
ac Cimmerico Bosphoro: à meridie Euxino mari, Colchide, Iberia ac Al-
bania: ab ortu Scythia intra imaum montē, & in mari Caſpio. In hac ſunt
Amazones, montes Hyperborei, & Caucasus, Mithridatis regio, Ale-
xandri columna. Et Turci, q; corrupte in omnibus Ptolemæi codicibus
Tufci leguntur. Hæc hodie Tartaria dicitur. Hic etiam notandū quia
Ptolemæus duas Sarmatias facit, ex alijs authores Scythias nominare.
Ac de alijs duabus Scythijs uel nihil, uel parum tradidiſſe, Tametſi om-
nes ſeptentrionis populos Scythas nominant paſſim.

Secunda Aſia
tabula.

Colchis habet à ſeptentrione Sarmatiam in Aſia, ab occasu pontum
Euxinum, à meridie maiorem Armeniam, ab ortu Iberiam. in ea Phæſis
flumē, & urbs Dioſcurias. Ex ea Medea cū Iaſone profugit in Græciā.

Tertia Aſia
tabula.

Iberia undiq; mōtibus ſepta, terminatur à ſeptentrione eadē Sarmat-
ia, ab occasu Colchide, à meridie maiore Armenia, ab ortu Albania.

Albania habet à ſeptentrione eandem Sarmatiam, ab occasu Ibe-
riam, ab ortu mare Caſpium ſiue Hyrcanum, à meridie Armeniam
maiorem. In his regionibus cum Mithridate rege Ponti bellauit

HEN. GLAREANI

Pompeius. Aiunt & in ea diuū Barptolemæum concionatū uerbū dei. Armenia maior terminatur à septentrione Colchide, Iberia, ac Albania: ab occasu minore Armenia ac Euphrate, parte etiam Cappadocia, ab oriente mari Caspio & Media, à meridie Mesopotamia, atque Assyria. In montibus Armeniæ post diluuium arca Noë confedisse dicitur Gene. cap. 8. Quidam etiam addunt in Gordiæis montibus. Euphrates in ea oritur, & Araxes, & Tigris, fluuij celeberrimi.

DE CYPRO INSVLA, SYRIA, ATQVE
eius partibus, Phœnice, Caua Syria, Palestina Iudæa, Arabia
petræa, Mesopotamia, Arabia deserta, ac Babylonia.

CAPVT XXXVI.

Quarta Asiæ
tabula

Cyperus insula ab occasu pelagus habet Pamp'ylicum, à meridie mare Aegyptiacum, ab ortu Syriacum, à septentrione Cilicium. Hæc insula Veneri quondā sacra fuit, Habet urbes Paphos duas, ueterem ac nouam, & Salamina.

Syria terminatur à septentrione Armenijs, ab occasu Syriaco pelago, à meridie Iudæa Palestina, ab ortu Arabia deserta, Mesopotamia, ac flumine Euphrate. Natio mire celebrata in Iudeorum scriptis. Sub ea Phœnice comprehenditur, & Syria Caua, siue Cœle, quam non recte uocant Curuam. Antiochiam habet ad Orontem fluuium, nominatissimam urbem in Actis Apostolicis. Item Tyrum ac Sydonem, Seleuciam, Damascum. Montes: Carmelum, Lybanum, & Antilybanum.

Palestina Iudæa pars Syriæ, habet à septentrione Phœniciam, ab ortu Syriæ partem, à meridie Petræam Arabiam, ab occasu Syriacum pelagus. In hac Hierosolyma, Cæsarea Stratonis, Ioppe, nunc Iaphet. Multæ item aliæ in sacris literis nominatæ urbes. Ipsa etiam Samariā complectitur ac Galileam. In ea Iordanis fluuius, qui Genesar lacum effundit. Ptolemæus etiam Tiberiadis addit lacū, qui neq; apud Pliniū, neq; apud Strabonem habetur, sed Tiberias oppidū ad Genesaritudē la-

cum

cum legitur apud Plinium: deniq; in Asphaltida labitur, quod mare mortuum uocant. In ea est terra, quam sanctam uocant sacrae literae, diuisa in duodecim tribus Israël. Cuius longitudo est à Dan ad Bersaben, latitudo ab Ioppe ad mōtana, quae undiq; Iordani imminēt ab Arabibus

Arabia Petraea terminatur ab occasu Aegypti, à septentrione Palaestina Iudaea, à meridie interiore sinu Arabico, ab ortu Arabia Felice ac deserta. In hac Petra est metropolis. Hæc olim Nabatea dicebatur. Per huius partem filij Israël ex Aegypto in terram sanctam uenerunt.

Mesopotamia finitur à septentrione Armenia maiore, ab occasu Euphrate fluuii ac Syria, ab ortu Assyria per amnem Tigrim, à meridie partim Arabia deserta, partim Babylonia per Euphratem flumen. Hæc regio, quod inter duos fluuios Tigrim ac Euphratem media sit, Mesopotamia dicta est. Moses Geneseos capite. xi. uocat illam Aran. In ea urbs Carra, Cade M. Crassi nobilis, ab Hebraeorum historicis maxime celebrata. Item Edessa Abgari regis ciuitas, cuius mentionem facit Eusebius lib. i. cap. i.

Arabia deserta habet à septentrione Mesopotamiam, ab ortu Babyloniam, à meridie felicem Arabiam, ab occasu Syriam ac Arabiā Petreā

Babylonia terminatur à septentrione Mesopotamia, ab occasu Arabia deserta, ab ortu Susiana, à meridie sinu Persico. In hac Chaldaea regio est, cuius urbs Vrchoa, quae apud Ptolemæum Orchoa legitur, patria Abrahamæ Geneseos cap. xi. In regione Babylonia, urbs est ipsa Babylon, opere ac magnificentia inter septem orbis spectacula. Hactenus libri. V. regiones recēsuimus, sequūtur nūc libri VI. eiusdē Ptolemæi

DE ASSYRIA, SVSIANA, MEDIA,

Parthia, Hyrcania, Arabia felice, ac duabus Carmanijs. — CAP. XXXVIII.

Assyria finitur à Septentrione Armenia maiore, ab Occasu *Quinta Asia* Mesopotamia & Tigri flumine, à meridie Susiana, ab oriente *tabula.* Media. Horum Imperium & antiquissimum erat, & maximum.

I 3 In hac

HEN. GLAREANVS

In hac est Ninus urbs, ædificata à Nino Beli filio.

Media terminatur à septentrione Hyrcano siue Caspio mari, ab occasu maiore Armenia & Assyria, à meridie Perside, ab ortu Hyrcania & Parthia. Horum etiam imperium olim magnum fuit, & ab Assyrijs tralatum. Porro regum Persarum domicilium erat æstiuo tempore Ecbatanis in Media, Hyberno in Perside.

Susiana habet à septentrione Assyriã, ab occasu Babyloniam, ab ortu Persidem, à meridie Persicū sinū. Huius regionis metropolis sunt Susa.

Persis terminatur à septentrione Media, ab occasu Susis, ab ortu Carmanijs duabus, à meridie sinu Persico. Hi à Medis in se & Susa retulerunt regnum. Quorum nomē & lingua etiamnum toto oriente clarēt.

Parthia ab occasu habet Medos, à septentrione Hyrcaniã, ab ortu Ariam, à meridie desertam Carmaniam. Hi omnium orientalium maxime Romanorum impium, cum potissimum florent Romanis, retulerunt.

Sexta Asiae
tabula.

Arabia felix à septentrione habet Petream atq; desertam Arabias, ab occasu sinum Arabicum, à meridie mare rubrum, ab ortu sinum Persicum & mare rubrum. In hac Saba est, & nostra ætate Mecha, domicilium Machumeti.

Hyrcania terminatur à septentrione Hyrcano pelago, ab occasu Media, à meridie Parthia, ab ortu Margiana, ferax natio Tigris. Vnde illud Virg. Aeneid. 4. Hyrcanæq; admorūt ubera Tigres.

Deserta Carmania habet ab occasu Persidem, à septentrione Parthiam, ab ortu Ariam, à meridie alteram Carmaniam.

Carmania altera terminatur à septentrione Carmania deserta, ab ortu Gedrosia, ab occasu Perside & sinu Persico, à meridie Indico pelago. Hæ duæ nationes nihil memoratu dignum habent.

DE MARGIANA, BACTRIANA, SOGDIANA, SACIS, duabus Scythijs, ac Serica, C. A. XXXVIII

Septima Asiae
tabula.

Margiana habet ab occasu Hyrcaniam, à septentrione Scythiam intra Imaum montem, à meridie Ariam, ab ortu Bactrianam.

In ea

In ea Massagetae sunt, Dae & Tapuri populi.

Bactriana terminos habet ab occasu Margianam, à septentrione et ortu Sogdianā diuisam ab ea Oxo amne, à meridie Ariam & Paropamisadas. In ea Bactra sunt eius regionis metropolis.

Sogdiana terminatur ab occasu & septentrione Scythia intra Imaū montē, ab ortu Sacis, à meridie Bactriana & India. Haecenus Alexander Magnus exercitum duxit. Sunt autem duae Alexandriae in ea, Oxiana ac ultima.

Sacae terminantur ab occasu Sogdiana, à septentrione Scythia intra Imaum montem, ab ortu Scythia extra Imaum montem, à meridie India intra Gangem. Regio Nomadum est: ciuitates enim non habent, nemoque autem & speluncas inhabitant, ait Ptolemæus.

Scythia intra Imaum montem ab occasu habet Asiaticam Sarmatiā, à septentrione terram Ptolemæo incognitam, ab ortu Imaum montem, à meridie Sacas, Sogdianos & Margianam.

Scythia extra Imaum montem terminatur ab occasu Scythia altera & Sacis, à septentrione terra incognita Ptolemæo, ab ortu Serica, à meridie parte Indiae extra Gangem. Sanè ante admonuimus de his duabus Scythijs apud ueteres raram uel nullam potius esse mentionem.

Serica terminatur ab occasu Scythia quae extra Imaum est, à septentrione atq; ortu terra incognita Ptolemæo, à meridie India extra Gangem & Sims. In hac Issedones sunt, ac Sera metropolis.

Octaua Asia
tabula.

DE ARIA, PAROPAMISADIS, DRANGIANA, ARACHOSIA, GEDROSIA, duabus Indijs, Sinarum regione, & Taprobana insula. CAP. XXXIX.

Sequuntur nationes ab Macedonibus, duce Alexandro, Philippis filio, lustratae, alioqui non usq; adeo celebres.

Aria à septentrione habet Margianam ac Bactra, ab occasu Parthiam ac Carmaniam desertam, à meridie Drangianam, ab ortu Pa-

Nona Asia
tabula

1 4 ropami

HEN. GLAREANI

ropamisadis. In ea est Alexandria, ab ipso Alexandro edificata.

Paropamisade ab occasu habent Ariam, à septentrione Baſtra, ab ortu Indiam cis Gangem, à meridie Arachosiam. Nomen habent à monte Paropamiso, qui ipsis imminet à septentrione.

Drangiana ab occasu habet Carmaniam desertam, à septentrione Ariam, ab ortu Arachosiam, à meridie Gedrosiam.

Arachosia terminatur ab occasu Drangiana, à septentrione Paropamisadis, ab ortu India cis Gangem, à meridie Gedrosia. In hac quoque Alexandria est.

Gedrosia terminatur ab occasu Carmania altera, à septentrione Drangiana ac Arachosia, ab ortu India cis Gangem, à meridie oceano Indico meridionali. Haſtenus Ptolemæi libri. 6. regiones dictæ sunt, sequuntur nunc libri. 7.

Decima Asia
tabula.

India cis Gangem habet ab occasu Paropamisadas, Arachosiam & Gedrosiam: à septentrione Imaum montem iuxta superiacentes Sogdianos ac Sacas, ab ortu Gangem fluuium ac alteram trans Gangem Indiã, à meridie indicum Oceanum. In hac Indus maximus est fluuius, à quo India nomen habet. Item Nagara, quæ & Dionysiopolis, & Nyssa apud authores, non longe ab Arachosia urbs. Hæc natio ingens est, qua uno nomine nulla maior.

Vndecima Asia
tabula.

India trans Gangem ab occasu habet alteram Indiam & Gangem fluuium, ad septentrionem Scythiam & Sericam, ab ortu Sinarum regionem, à meridie Indicum pelagus. In Hac est aurea Chersonesus inter duos sinus Gangeticum & Magnum.

Duodecima Asia
tabula.

Sinarum regionem terminat à septentrione Serica, ab ortu atque meridie terra Ptolemæo incognita, ab occasu India trans Gangem & Magnus sinus. De hac regione propemodum nihil est apud authores.

Taprobâne insula opposita Indiæ cis Gangem, maxima omnium apud Ptolemæum, auro, argento, alijsque metallis abundans, nostra ætate non omnino eo modo reperta.

De regio

DE REGIONIBVS EXTRA PTO-
lemæum. CAP. XL. & ultimum.

QUæ extra Ptolemæi descriptionem sunt regiones non ita certis authoribus traditæ unt, nec etiam tanta diligentia ac arte descriptæ. Ab occasu quicquid rerum ultra Hispanias, ac insulas fortunas est, totum Ptolemæo incognitum fuit. A septentrione quicquid ultra sexagesimum tertium latitudinis gradum, ubi Thyle locatur ultima, A meridie quicquid ultra decimum sextum gradum latitudinis Austrinæ, Ab ortu quicquid ultra centesimum octogesimum gradum: quæ omnia in generali tabula apud Ptolemæum facile est conspiciere.

Extra Ptoleæ
mæum.

Porro ad occidentem terra est, quam Americam uocāt, longitudine octoginta ferme graduum. Dux insule Spagnolla & Isabella: quæ quidem regiones secundum littora ab Hispanis lustratæ sunt, Columbo Genuensi, & Americo Vesputio eius nauigationis ducibus. Sunt qui putet tempore Cæsaris Augusti eam terram fuisse notam, atq; Maronem libro sexto Aeneidos de ea hæc protulisse carmina:

Iacet extra sydera tellus,

Extra anni solisq; uias, ubi cœlifer Atlas

Axem humero torquet, stellis ardentibus aptum.

Hoc de Aethiopia Maurorum Seruius intellexit. Landinus autem nullam Aethiopiam extra Zodiacum iacere contendit. Itaq; ipse exponit extra, id est, penè extra. Porro Donatus solem pro die, annum pro nocte positum ait. Nos rem incertam iudicio lectoris relinquimus.

A septentrione Islandia insula est, Grienland, Pilappenland, Noruegia, Suedia, quæ uere Gothia. Hæc triplex est, orientalis, occidentalis, & meridionalis. Gotlandia insula, Scania insula, quæ hodie Selandiam uocant. At Plinius lib. 4. cap. 14. Scandinauiam uocasse uidetur, aut saltem uicinam Daniam: ait enim ab incolis nominari alterū mun-

dum

HEN. GLAREANI GEOGRA.

dum, quippe quæ etiânum incomptæ est magnitudinis.

Ad ortum maxima pars Asiæ post centesimum octogesimum longitudinis gradum à nostris Geographis adijcitur: In qua immensa regna, ingentia flumina, multaq; alia dictu miranda. Adpingunt insulam Zypangri ad extremum orientem. Iauam maiorem & minorem, & quasdam alias insulas, non certa tamen designatione.

Ad meridiem nostra ætate Madagascarpingitur, in eo loco ubi Ptolemæus Menuthiam insulam libro. 4. capite ultimo posuit: præterea maxima portio Africæ ab Hispanis lustrata, itinere illo, quo Calecutium feruntur. Porro oceanum Indicum meridiem à Prasso promontorio Aphricæ ad Cattigaram usq; Sinarum stationem, totum inclusum terra, Ptolemæus existimauit, quemadmodum mare Caspium, quod quidem omnes antiqui Geographi oceani septentrionalis partem putarunt.

Sed illud Indicum nunc repertum est, non terra inclusum,
sed ab meridionali Oceano esse. FINIS.

EPILOGVS.

Habetis hic candidi lectores, meas de habitabili terra lucubrationes, quas utinam tam gratas uobis esse sentiam, quam sunt prompto, ad publicam studiosorum utilitatem animo compositæ. Quod si fortunatam hanc æditionem uidero, dabo fidelem operam, ut aliquando & limatiores & locupletiores in publicum emittantur: ac alia item nostra, quæ studiosis non inutilia fore existimamus. Valete.


APVD FRIBVRGVM BRISGOICVM.

ANNO. M. D. XXXIX.


EXCVDEBAT IOANNES FABER
EMMEVS IVLIACENSIS.

My Dear Sir
I have the honor to acknowledge
the receipt of your letter of the 11th

Yours faithfully
J. M. Smith



1739561



176470

17 39561

